

T-25/13/4341.49

6

CM 0	1	2	3	4	5	6	7	8	9	10	11	12	13	14	15	16	17
Lab D50 2 ^e	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/4/79	51/50/13	50/28/29					
	38/14/16	66/16/18	50/5/22	43/14/21	55/9/25	71/32/0	62/34/60	40/9/43	52/48/17	31/21/21	72/23/57	73/19/68					

Harvard College Library/Imaging Services <http://imaging.harvard.edu>

ORINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

通鑑本末紀要卷之五

哈佛大學漢和
圖書館珍藏印

錦川蔡毓榮仁菴甫編輯 華亭林子卿安國氏註

蘇張縱橫

初洛陽人蘇秦

今河南河南府洛陽縣舊仁和里有蘇秦宅

師事鬼谷先生

今河

南府登封縣有鬼谷戰國時王詡隱居於此號鬼谷先生

出游數歲大困而歸昆弟

妻嫂皆笑之秦乃閉室不出出其書徧觀之得太公陰

符之法伏而誦之揣摩暮年曰此可以說當世之君矣

說音稅後同

說周顯王弗信西至秦說惠王

駟

秦方誅商鞅

疾辯士弗用

子戊顯王三十六年蘇秦去遊燕說燕文公曰燕之所以不

被兵者以趙為之蔽其南也且秦攻燕戰於千里之外

秦在陝西西安府燕在直隸保定府易州相去計程二千二百餘里趙攻燕戰於百里之

內趙在直隸廣平府邯鄲縣與燕相去尚計六百里餘里百里者甚言其不若秦燕之遠也夫不憂

百里之內而重千里之外扶夫音計無過於此者願王與

趙從親則燕必無患矣從音蹤後同文公從之從如字資秦車

馬以說趙肅侯語曰當今山東之國莫彊於趙秦之所

害亦莫如趙然秦不敢伐趙者畏韓魏之議其後也韓都

鄭今河南開封府新鄭縣魏都大梁今開封府並在秦東趙西南秦之攻韓魏也無名

山大川之限稍蠶食之傳國都而止韓魏不能支必入

臣於秦秦無韓魏之規則禍中於趙矣中去聲臣以天下

之圖按諸侯之地五倍於秦度諸侯之卒度音十倍於

秦而衡人日夜務以秦權恐惕諸侯衡音橫後同使之割地

事秦秦成則其身富榮國被秦患而不與其憂與去聲為

大王計莫若一韓魏齊楚燕趙為從親以擯秦令其將

相會於洹水之上洹水出山西潞安府長子縣至直隸大名府內黃縣入於白溝今大名府魏縣西有洹水鎮六國會處也○將相並去聲約曰秦攻一國五國各出銳師

以撓秦或救之有不如約者五國共伐之則秦甲必不

敢出函谷以害山東矣函谷關在河南府靈寶縣肅侯大悅厚賜賚

之以約於諸侯秦說韓宣惠王曰韓地方九百餘里帶

甲數十萬天下之彊弓勁弩利劍皆從韓出以韓卒之

勇被堅甲披被音蹠勁弩帶利劍一人當百不足言也今

大王事秦秦必求割地韓之地有盡而秦之求無已不

戰而地已削矣鄙諺曰寧為雞口無為牛後以大王之

賢挾彊韓之兵而有牛後之名竊為大王羞之韓王從

其言秦說魏惠王瑩曰大國地方千里武士三十萬蒼

頭奮擊各二十萬廝徒十萬廝養馬者乃聽羣臣之說

而欲臣事秦願大王熟察之魏王聽之秦說齊宣王辟

曰齊四塞之國地方二千餘里帶甲數十萬粟如丘山

臨淄之塗今山東青州府臨淄縣齊都車轂擊人肩摩連衽成帷揮

汗成雨夫韓魏之所以重畏秦者為與秦接境也扶夫音

秦之攻齊則不然倍韓魏過陽晉在山東兗州府曹縣北經亢父

之險今兗州府濟寧州南六十里有亢父城車不得方軌騎不得比行比音

庫百人守險千人不敵過也秦欲深入則恐韓魏之議

其後是故恫疑虛喝驕矜而不敢進則秦之不能害齊

亦明矣夫不料秦之無奈齊何而欲西面事之是羣臣

之計過也齊王許之乃說楚威王商曰楚天下之彊國

也地方六千餘里帶甲百萬粟支十年此霸王之資也

楚彊則秦弱秦彊則楚弱其勢不兩立故為大王計莫

如從親以孤秦從親則諸侯割地以事楚衡合則楚割

地以事秦此兩策者相去遠矣大王何居焉楚王亦許

之。於是。是以。秦為從約長。音掌并相六國。相去聲北報趙車騎輜重。擬於王者。

己丑 三十七年。秦惠王使公孫衍欺齊魏。與共伐趙。衍號犀首。陰晉

人。今西安府華陰縣。趙肅侯讓蘇秦。秦恐。請使燕。必報齊。使去聲乃

去。趙而從約。皆解。趙人決河水以灌齊魏之師。齊魏之

師乃去。魏以陰晉為和於秦。

辛卯 三十九年。秦伐魏。魏入少梁河西地於秦。今西安府韓城縣南有少

梁城。○少去聲。

癸巳 四十一年。初。魏人張儀。山西平陽府臨晉縣人。與蘇秦俱事鬼

谷先生。學縱橫之術。遊諸侯。無所遇。嘗從楚相。飲楚相

亡璧。相並去聲門下意張儀。執而笞之。其妻曰。子毋讀書游

說。安得此辱乎。儀謂其妻曰。視吾舌尚在否。其妻笑曰。

舌在也。儀曰。足矣。時蘇秦恐秦伐趙而敗從約。念莫可

使用於秦者。乃召儀而辱之。以激怒儀。儀念諸侯獨秦

能苦趙。遂入秦。蘇秦陰遣其舍人齎金幣資儀。儀得見

秦王。秦王悅之。以為客卿。舍人辭去。儀曰。方且報德。何

故去也。舍人曰。臣非知君。知君乃蘇君也。蘇君憂秦伐

趙。敗從約。以為非君莫能得秦柄。故激怒君。使臣陰奉

給君資。盡蘇君之計謀。今請歸報。儀曰。嗟乎。此吾在術

中而不悟。吾不及蘇君明矣。為吾謝蘇君。蘇君之時。儀

何敢言。至是將兵伐魏。將去聲取蒲陽。今平陽府蒲州言於秦王。

請復以與魏。而使子繇質焉。質音致儀因說魏王曰：秦之

遇魏甚厚。魏不可無禮於秦。魏因盡入上郡十五縣以

謝。上郡今陝西延安府儀歸相秦。相去聲後同

丁酉 四十五年。蘇秦通於燕。文公之夫人恐得罪。乃說燕易

王曰：臣居燕。不能使燕重。而在齊則燕重。王許之。乃偽

得罪於燕。而奔齊。齊宣王以為客卿。秦說齊王高宮室。

大苑囿。以明得意。欲以敝齊而為燕。為去聲

戊戌 四十六年。秦相張儀免。出相魏。欲令魏事秦。為諸侯倡。

魏惠王不聽。秦伐魏。取二邑。而陰厚儀益甚。

甲辰 慎靚王四年。齊大夫與蘇秦爭寵。殺之。今青州益都縣有蘇秦墓秦

弟代厲皆以從親。遊說諸侯。或從或否。而天下由此宗

蘇氏之從學。代厲皆以壽終。名顯諸侯。

張儀說魏襄王。赫曰梁地四平。無名山大川之限。戍楚魏

齊趙之境。守亭障者不過十萬。梁之勢固戰場也。夫諸

侯之約。從結為兄弟。以相堅也。夫音扶今親兄弟同父母

尚有爭錢財相殺傷。而欲恃反覆。蘇秦之餘謀。其不可

成亦明矣。大王不事秦。秦下兵攻河外。史記注云。今曲沃平周之屬。

據卷衍酸棗。卷衍二城。並在開封府原武縣西北。酸棗在開封府延津縣西南。劫衛取

陽晉。在兗州府曹縣則趙不南。梁不北。而從道絕矣。魏王乃倍

從約因儀以請成於秦儀歸復相秦相去聲

戊申報王二年秦欲伐齊患其與楚從親乃使張儀說楚懷

王槐曰大王誠能閉關絕約於齊臣請獻商於之地六

百里今河南南陽府內鄉縣有商於城使秦女得為大王箕帚之妾為妾

以供灑掃也禮納女於大夫曰備灑掃楚王許之羣臣皆賀陳軫獨弔楚

王怒曰何弔也對曰夫秦之所以重楚夫音扶下同以其有

齊也今閉關絕約於齊則楚孤秦奚貪夫孤國與之商

於之地六百里哉儀至秦必負王是王北絕齊交而西

生患於秦也兩國之兵必俱至矣懷王曰願子閉口無

復言以待寡人得地乃厚賜儀而閉關絕約於齊使一

將軍隨儀至秦儀佯墮車不朝三月朝音潮下同楚王聞之

曰儀以寡人絕齊未甚邪鈔音乃使勇士宋遺借宋之符

符節也時楚絕約於齊齊不通其使故借宋符以達之北罵齊潛王潛王大怒折

節而事秦齊秦之交合儀乃朝見楚使者曰子何不受

地自某至某廣袤六里東西曰廣南北曰袤○袤音侔使者還報二使字並

去聲楚王大怒欲攻秦陳軫曰軫可發口言乎攻之不如

賂以一名都與之并兵而攻齊是我亡地於秦而取償

於齊也今已絕齊又責欺於秦是我合齊秦之交而來

天下之兵也國必大傷矣懷王不聽使屈匄帥師伐秦

秦亦發兵擊之大敗楚師於丹陽今湖廣荊州府枝江縣虜屈匄

遂取漢中。今陝西漢中府楚復襲秦又大敗於藍田。西安府藍田縣楚

割兩城以和。

庚戌四年秦惠文王使告楚懷王請以武關之外易黔中地。

武關在西安府商州楚黔中今四川彭水縣楚王不願得地願得張儀而獻

黔中儀請行秦王曰楚將甘心於子奈何儀曰秦疆而

楚弱楚必不敢取臣且臣善其嬖臣靳尚尚得事幸姬

鄭袖袖言王無不聽者遂往楚王囚將殺之儀教尚謂

袖曰秦王甚愛張儀將以六縣及美女贖之王重地尊

秦秦女必貴而夫人斥矣於是袖日夜泣於楚王曰臣

各為其主耳。為去聲今殺張儀秦必大怒妾請子母俱遷

江南毋為秦所魚肉也楚王乃赦儀而厚禮之儀因說

懷王曰夫為從者。夫音扶下同無異於驅羣羊而攻猛虎不

格明矣今王不事秦秦劫韓驅梁而攻楚則楚危矣大

王誠聽臣請令秦楚長為兄弟之國懷王已得儀而重

出地乃許之儀遂說韓襄王。倉曰夫戰孟賁烏獲之士

以攻不服之弱國。賁音奔無異垂千鈞於烏卵之上必無

幸矣大王不事秦秦下甲據宜陽。今河南府宜陽縣塞成臯。在

封府汜水縣則王之國分矣為大王計莫如事秦襄王許之

東說齊潛王。地曰從人說大王者必曰齊蔽於三晉地

廣兵疆雖有百秦無奈齊何今秦楚嫁娶韓獻宜陽梁

效河外

時以河西為河外梁入河西少梁於秦見前

趙割河間

今直隸河間府

王不

事秦秦驅三晉攻之雖欲事秦不可得也湣王許之儀

西說趙武靈王

雍

曰大王收率天下以擯秦秦兵不敢

出函谷關者十五年今楚與秦為昆弟韓梁稱藩齊獻

魚鹽之地此斷趙之右肩也

四國皆在趙西故曰右肩

夫斷右肩而

與人鬪失其黨而孤居求欲無危得乎為大王計莫如

與秦約為兄弟之國武靈王許之儀北說燕昭王

平曰

趙已事秦秦下甲雲中九原

雲中今山西大同府九原在大同塞外時秦已得延

安諸地與兩地接壤也

驅趙攻燕則易水長城

易水在直隸保定府

非大王

有也燕王請獻常山之尾五城以和

常山在直隸真定府

儀歸報

未至而惠王卒子武王

蕩

立武王自為太子時不悅儀

諸侯聞之皆畔衡復合從秦羣臣亦日夜惡張儀於武

王

辛亥

五年張儀懼誅因謂秦武王曰為秦計者東方有大變

然後王可以多割得地也今聞齊王甚憎儀儀之所在

必興師伐之儀願乞其不肖之身之梁

之往

齊必伐梁

梁齊之兵連於城下王以其間伐韓

間去聲

入三川

今河南

秦置三川郡

出兵函谷以臨周周器必出挾天子按圖籍此

王業也秦王乃使儀之梁儀復相魏一歲卒

秦并天下

秦之先帝顓頊之苗裔孫曰女修方織玄鳥隕卵女修吞
 之生子大業大業生大費與禹平水土舜賜之姚姓之
 玉女是為伯翳即伯益秦音以入為去故呼益曰翳舜時賜姓嬴氏其十
 世孫曰蜚廉蜚廉生惡來助紂為虐武王誅之

甲子周孝王十三年惡來革之後有非子者居犬丘即槐里城在陝

西西安府興平縣東南好馬善養息之好去聲王命主馬於汧渭之

間汧水出陝西鳳翔府汧陽縣吳嶽山至寶雞縣東入渭渭水出陝西臨洮府渭源縣鳥鼠山至西安府華

陰縣入黃河馬大蕃息乃封為附庸之君邑之秦今陝西鞏

昌府曰昔伯翳為舜主畜多息故有土賜姓今其後亦

為朕息馬其使復續嬴氏祀號曰秦嬴是歲江漢冰天

大雹牛羊凍死雹雨冰也蒲角切

甲戌 宣王元年命大夫秦仲征西戎仲非子曾孫

己卯 六年秦仲死於西戎有子五人其長者曰莊公長音王

召莊公昆弟五人與兵七千遂破西戎於是予其先大

駱并犬丘之地大駱非子之父○予與同莊公遂遷於犬丘

辛未 平王元年王避犬戎東徙洛邑秦襄公以兵送之襄公莊公

子王封襄公為諸侯賜之岐豐之地岐在鳳翔府岐山縣豐在西安府鄠

縣俱屬陝西於是始與通使聘享之禮與音預使去聲

秦祀上帝於西時時土高可祭之地音止

丙子 六年秦文公遷居西垂文公襄公子西垂即秦州

己卯 九年秦文公獵於汧渭之間曰昔周邑先秦嬴於此卒

獲為諸侯乃卜居之曰吉即營邑之今鳳翔府隴州南秦城與秦州接壤

乙酉 十五年秦文公夢黃蛇自天下屬地其口止於鄜衍山阪

曰衍○鄜音孚文公問史敦敦曰此上帝之徵君其祠之於是

作鄜時在陝西延安府鄜州用三牲郊祭白帝焉

戊子 十八年秦初有史以紀事

辛卯 二十一年秦文公伐戎敗之遂收周餘民有之地至岐

岐以東獻之周

乙未 二十五年秦文公始立三族之法父母妻之族為三族罪重者誅及三族也

丁桓王六年秦寧公徙居平陽寧公文公孫平陽岐山縣有陽平鄉鄉有平陽聚

癸釐王四年秦武公卒寧公葬雍初以人從死雍今鳳翔府於用切

甲辰五年秦德公徙居雍

乙巳惠王元年秦德公初作伏德公武公弟夏至後第三庚為初伏第四庚為中伏立秋

後初庚為末伏四時代謝皆以相生如春代水水生木夏代木木生火冬代金金生水惟秋以金代火金畏火故遇庚而伏也

丙寅二十二年虞大夫百里奚奔秦虞今山西平陽府平陸縣奚宛人今河南南陽府有

府有秦穆公任始得志於諸侯德公三子長宣公次成公次穆公相繼立

庚辰襄王十一年秦滅梁在西安府澄城縣

戊戌二十九年秦穆公始霸西戎天王使召公過賀以金鼓

丁酉貞定王二十五年秦厲共公伐義渠在陝西慶陽府禽其王

甲子威烈王九年秦靈公城塹河瀕初以君主妻河靈公穆公十世

孫君主猶公主○妻去聲

壬申十七年秦初令吏帶劍時為簡公靈公從弟

癸酉十八年秦初令百姓帶劍

戊戌安王十九年秦獻公獻公靈公子櫟陽在西城櫟陽安府臨潼縣○櫟音歷

丁巳顯王五年秦獻公敗三晉之師於石門在平陽府解州東南王賜

以黼黻之服

己未七年秦孝公渠梁立獻公生二十一年矣時山東疆國六

楚魏與秦接壤楚在其南魏在其東皆以夷狄遇秦擯斥之不得

與中國之會盟

與去聲

孝公發憤修政欲以彊秦

庚申

八年秦孝公下令國中曰昔我穆公修德行武為後世

開業甚光美會往者厲躁簡公出子之不寧

秦自厲公至出子凡

七君懷公見弑於庶長黽出子見弑於庶長改故云不寧

國家內憂未遑外事三晉

攻奪我河西地醜莫大焉獻公即位徙治櫟陽且欲東

伐修穆公之政令寡人思念先君之意常痛於心賓客

羣臣有能出奇計彊秦者吾且尊官與之分土於是衛

公孫鞅聞之西入秦鞅者衛之庶孫也好刑名

好去聲事

魏相公叔座

相去聲

座知其賢未及進會病魏惠王往問

之座因薦鞅王默然座曰君即不用鞅必殺之無令出

境王既去座召鞅謝曰吾先君而後臣故先為君謀後

以告子子必速行矣鞅曰君不能用子之言任臣又安

能用子之言殺臣乎卒不去王果不用座言至是因秦

嬖臣景監以見孝公說以富國彊兵之術

說音稅

孝公大

悅與議國事是歲彗星見西方

辛酉

九年王致胙於秦

壬戌

十年衛鞅欲變法秦人不悅鞅言於孝公曰夫民不可

與慮始而可與樂成

夫音扶樂音洛

論至德者不和於俗成大

功者不謀於眾是以聖人苟可以彊國不法其故甘龍

曰不然因民而教者不勞而成功緣法而治者吏習而

民安之。鞅曰：常人安於故俗，學者溺於所聞，以此兩者居官守法可也。非所與論於法之外也。智者作法，愚者

制焉。賢者更禮，不肖者拘焉。公曰：善。以鞅為左庶長。秦爵

自下而上，始公士，至列侯，為二十級。左庶長為十爵，猶左右偏裨將軍也。○長音掌。卒定變法之

令，令民為什伍，而相收司連坐。什伍，五家為保，十家相連收司，相糾發也。一家

有罪，九家舉發，不糾舉，則十家連坐。告姦者與斬敵首同賞，不告姦者與

降敵同罰。降胡，江切。有軍功者各以率受上爵。率音律。為私鬪

者，各以輕重被刑。大小勦力本業，耕織致粟帛多者復

其身。免除其身役。事末利及怠而貧者，舉以為收孥。收其妻子為奴。

婢。宗室非有軍功論，不得為屬籍。明尊卑爵秩等級，各

以差次。名田宅，臣妾衣服。名，占有之也。○差，義宜切。有功者顯榮，無

功者雖富無所芬華。令具未布，恐民不信，乃立三丈之

木於國都市南門，募民有能徙置北門者，與十金。民怪

之，莫敢徙。曰：能徙者與五十金。有一人徙之，輒與五十

金。乃下令，令行朞年，秦民言新令不便者以千數。於是

太子犯法，鞅曰：法之不行，自上犯之。太子君嗣也，不可

施刑，刑其傅公子虔，黥其師公孫賈。黥，刺面而涅也。音擎。明日，

秦人皆趨令，行之十年，秦國道不拾遺，山無盜賊，民勇

於公戰，怯於私鬪，鄉邑大治。秦民初言令不便者，有來

言，令便，鞅曰：此皆亂法之民也。盡遷之於邊。其後民莫

敢議令。

辛未 十九年。秦衛鞅築冀闕宮庭於咸陽。徙都之。今西安府咸陽縣東

三十里。有秦咸陽城。令民父子兄弟同室內息者為禁。息止也。父子兄弟同

室。居止者禁之。并諸小鄉。聚集為一縣。縣置令丞。凡三十一縣。

廢井田。開阡陌。百夫之田有洫。洫上有路。曰阡。一夫之田有遂。遂上有塗。曰陌。阡陌之外。地可

為田者。皆令墾闢。故曰開。非始創阡陌也。尋更賦稅法。二十一年。史記作初為賦。注軍賦也。

戊寅 二十六年。王致霸於秦。諸侯畢賀。

辛巳 二十九年。衛鞅言於孝公曰。秦之與魏。譬若人有腹心

之疾。非魏并秦。秦即并魏。魏方大破於齊。二十八年。龐涓之敗。見齊

田氏。可因此時伐魏。魏不支秦。必東徙。然後秦據河山之

固。東嚮以制諸侯。此帝王之業也。公從之。使鞅將兵伐

魏。將去聲。魏使公子卬禦之。鞅遺卬書曰。吾始與公子驩。

今俱為兩國將。去聲。不忍相攻。欲與公子面相見。盟樂飲

而罷兵。樂音洛。以安秦魏之民。卬以為然。乃與會盟而飲。

鞅伏甲襲卬。虜之。大破魏師。魏惠王恐。去安邑。今平陽府安邑

縣。魏初都。徙大梁。今河南開封府治。西北有梁王城。乃嘆曰。吾恨不用公叔

之言。秦封鞅商於十五邑。今南陽府內鄉縣有商於號城。西安府商州有商於驛。

曰商君。

癸未 三十一年。秦孝公卒。子惠文王駟立。公子虔之徒告衛

鞅欲反。發吏捕之。鞅出亡。欲止客舍。舍人曰。商君之法。

舍人無驗者坐之。鞅嘆曰：為法自弊，一至此哉。去之。魏

魏不受納之。秦人車裂以殉。初，鞅用法嚴酷，嘗臨渭

論囚，渭水盡赤。為相十年，相去聲人多怨之。嘗問趙良

曰：我治秦，孰與五羖大夫賢？百里奚也。相傳奚五羊之皮食牛，以要秦穆公，故以為號。

為號。○良曰：五羖大夫，荆之鄙人也。穆公舉之，牛口之

下，加之百姓之上。秦國莫敢望焉。相秦六七年，東伐鄭

三，置晉君。立惠公。懷公文公。一救荆禍，其為相也，勞不坐乘。去聲

暑不張蓋，及死，秦國男女流涕，童子不歌謠，舂者不相

杵。聲以助杵。日相去聲。今君之從政也，陵轢公族，轢音歷殘傷百姓

公子虔，杜門不出已八年矣。君又殺祝驩而黥公孫賈。

詩曰：得人者興，失人者崩。此數者非所以得人也。君之

危若朝露，而尚貪商於之富，寵秦國之政，蓄百姓之怨。

秦王一旦捐賓客而不立朝，音潮秦國之所以收君者，豈

其微哉？鞅弗從，居五月而難作。難去聲

三十六年，燕趙韓魏齊楚合從以擯秦。從音蹤以蘇秦為

從約長。秦河南河南府洛陽縣人。事見蘇張縱橫。○長音掌。

三十九年，秦伐魏，魏入少梁，河西地於秦。今西安府韓城縣南有少

梁城。

四十年，初，魏人張儀見秦王，儀，平陽府臨晉縣人。秦王以為

客卿。至是，將兵伐魏，將去聲。取蒲陽，今平陽府蒲州。魏盡入上郡。

十五縣。上郡今延安府。儀歸相秦。相去聲。

甲午 四十二年秦縣義渠。

乙未 四十三年秦初臘。臘用五運之墓如火德王則用戌日。水土用辰金用丑木用未也。故漢陳咸曰先人豈知王氏臘乎蓋非一定可知。

丙申 四十四年夏四月秦初稱王。

癸卯 慎靚王三年楚趙魏燕韓伐秦攻函谷關。在河南府靈寶縣。秦

出兵逆之五國皆敗走。

乙巳 五年巴蜀相攻。巴今四川重慶府蜀今四川成都府。俱告急於秦司馬錯

請伐蜀張儀曰不如伐韓臣聞爭名者於朝。音潮下同。爭利者於市今三川周室天下之市朝也。三川今河南府。王不爭焉。

顧爭於戎翟去王業遠矣錯曰不然蜀西僻之國戎翟

之長也。長音音。而有桀紂之亂秦攻之譬如使豺狼逐羣

羊拔一國而天下不以為暴利盡四海而諸侯不以為

貪又有禁暴止亂之名今攻韓劫天子惡名也而攻天

下之所不欲危又未必利也不如伐蜀惠王從之伐蜀

取之貶蜀王為侯於是秦益疆富厚輕諸侯

戊申 赧王二年秦使張儀欺楚楚使屈匄帥師伐秦秦敗楚

師於丹陽。今湖廣荊州府枝江縣。斬首八萬虜屈匄遂取漢中。今陝

西漢中府。楚復襲秦又大敗於藍田。今西安府藍田縣。楚割兩城以

和。詳見蘇張從橫。

和詳見蘇張從橫

庚戌四年張儀聞蘇秦死說六國連衡以事秦說音稅 衡音橫歸報

未至而秦惠王卒子武王蕩立武王自為太子時不悅

儀諸侯聞之皆畔衡復合從見蘇張 從橫

壬子六年秦初置丞相以樛里疾為右丞相疾秦惠王弟居 渭南陰鄉之樛

里故以為號 相並去聲

癸丑七年秦武王使甘茂約魏以伐韓茂下蔡人今江南鳳 陽府壽州有下蔡城

茂至魏使人還旋音謂秦王曰魏聽臣矣然願王勿伐秦

王迎茂於息壤而問其故息壤地有土石 夷之而復長者對曰宜陽大

縣其實郡也今河南府 宜陽縣今倍數險行千里而攻之難魯

人有與曾參同姓名者殺人人告其母母織自若也及

三人告之其母投杼下機踰墻而走臣之賢不若曾參

王之信臣不如其母疑臣者非特三人臣恐大王之投

杼也魏文侯令樂羊攻中山三年拔之返而論功文侯

示之謗書一篋樂羊再拜稽首曰此非臣之功君之力

也今臣羈旅之臣也樛里疾公孫奭挾韓而議之王必

聽之是王欺魏王而臣受公仲侈之怨也侈宜陽 守臣故臣

願王勿伐武王曰寡人弗聽也乃與盟於息壤茂攻宜

陽五月而不拔樛里子公孫奭果爭之秦王欲罷兵茂

曰息壤在彼秦王乃起兵佐茂斬首六萬遂拔宜陽

甲寅八年秦王好以力戲力士任鄙烏獲孟說皆至大官音任

王說八月王與孟說舉鼎絕脉而卒族孟說弟昭襄王

稷立時王諸弟爭立宣太后異母弟穰侯魏冉最賢接

立昭王王以為將軍衛咸陽

是年秋趙武靈王雍北略中山今直隸真定府定州至房子今真定府臨城

遂之代今山西大同府蔚州北至無窮西至河冀州之河登黃華之

山在河南彰德府林縣與肥義謀胡服騎射以教百姓曰愚者所

笑賢者察焉雖驅世以笑我胡地中山我必有之國人

皆不欲公子成稱疾不朝音潮趙王使人請之曰制國有

常利民為本從政有經令行為上明德先論於賤從政

先信於貴故願慕公叔之義以成胡服之功成辭不起

趙王自往請之曰吾國東有齊中山北有燕東胡在大同邊

外西有樓煩秦韓之邊今山西太原府靜樂縣東北七

有樓煩城無騎射之備則何以守之哉先時中山負齊

之疆侵吾地引水圍鄣今真定府高邑縣○鄣音壑微社稷之神靈

則鄣幾於不守故寡人變服騎射欲以備四境之難去聲

報中山之怨而叔順中國之俗忘鄣事之醜非寡人之

所望也成聽命乃賜胡服以朝音潮而始出令焉二十一年滅中山

戊午十二年齊韓魏伐楚楚使太子橫質於秦質音贊秦救郤

之既而秦大夫有與楚太子鬪者太子殺之亡歸

壬戌十六年初趙武靈王立少子何少去聲使肥義為相國

傅王相去聲而自號主父音甫身胡服將士大夫西北略胡

地將去聲將自雲中九原雲中今大同府九原在大同塞外南襲咸陽於

是詐為使者入秦使去聲欲以觀秦地形及秦王之為人

秦王怪其狀非人臣之度使人逐之已脫關矣問知乃

主父也秦人大驚

秦伐楚取八城秦昭王乃遣楚懷王魏書曰始寡人與王

約為兄弟盟於黃棘在湖廣鄖陽府房縣盟在十一年太子入質音贊下同

至驩也太子陵殺寡人之重臣不謝而亡去寡人誠不

勝怒勝平聲使兵侵君王之邊今聞君王令太子質於齊

以求平寡人與楚接境婚姻相親而今不懽則無以令

諸侯願與君王會武關在西安府商州東面相約結盟而去楚

王欲往恐見欺欲不往恐秦怒昭睢屈平曰昭屈皆楚同姓之族

平字原食采於屈故號屈平今荆州府歸州有屈原宅無行而發兵自守耳秦虎

狼也有并諸侯之心不可信也王稚子蘭勸王行王乃

入秦秦王令一將軍詐為王伏兵武關劫之與西至咸

陽朝章臺如藩臣禮朝音潮要以割巫黔中郡巫今四川夔州府巫

山縣黔中今四川重慶府彭水縣楚懷王不許因留之楚大臣立太子

橫為王是為襄王○初屈平為懷王左徒官名猶後世左右拾遺志潔

行廉明於治體王甚任之後以讒見疏而睠顧不忘作

離騷之辭以自怨騷擾動也離愁擾擾故曰離騷尚冀王之一寤而王

終不寤也。其後子蘭又譖之於頃襄王。王怒，遷之江南。

平遂投汨羅而死。在長沙府湘陰縣。

初齊湣王封田嬰於薛。嬰，威王子。薛，今山東兗州府滕縣南四十里有薛城。號靖郭

君。杜氏通典云：戰國至漢，多於封爵外別加美號。靖郭武安之類是也。有子四十餘人，其

賤妾之子曰文。儻饒智略，說靖郭君以散財養士。說音

稅靖郭君使文主家，待賓客，賓客爭譽其美，請以文為

嗣。嬰卒，文嗣立，號孟嘗君。通鑑胡注云：孟，字也。嘗，邑名。嘗邑在薛之旁。招致

諸侯游士，及有罪亡人，食客嘗數千人，名重天下。孟嘗

君聘於楚，楚懷王遺之象牀，登徒直送之。登徒，楚官也。直，當也。當送

牀於齊國。不欲行，謂公孫戍曰：「足下能使僕無行者，有先人

之寶劍，願獻之。」戍許諾，入見曰：「小國所以皆致相印於

君者，相去聲下同。悅君之義，慕君之廉也。今始至楚而受象

牀，則未至之國，何以待君哉？孟嘗君曰：「善。」遂不受。戍趨

出，未至中閨。孟嘗君召而反之曰：「子何足之高，志之揚

也。戍以實對。孟嘗君乃書門版曰：「有能揚文之名，止文

之過，私得寶於外者，疾入諫。」於是秦王聞其賢，請於齊

以為相。或謂秦王曰：「文相秦，必先齊而後秦，秦其危哉。」

秦王囚文，欲殺之。文使人求解於王之幸姬。姬欲得其

狐白裘，文已獻王。客有善為狗盜者，入秦藏中。藏去聲。盜

裘以獻姬，言於王而遣之。王後悔，使追之。文至關，關法

雞鳴乃出客。時尚早，追者將至，客有善為雞鳴者，野雞

皆應之，乃得脫歸。脫歸在十七年。

癸亥十七年，孟嘗君怨秦，與韓魏攻之，入函谷關。秦王謂丞

相樓緩，公子池曰：緩，趙人。相去聲。三國之兵深矣，寡人欲割河

東而講，對曰：講亦悔，不講亦悔。王曰：何也？對曰：王割河

東而講，三國雖去，王必曰：惜矣。三國且去，吾特以三城

從之，此講之悔也。王不講，三國入函谷，咸陽必危。王又

曰：惜矣。吾愛三城而不講，此不講之悔也。王曰：均吾悔

也。寧亡三城而悔，無危咸陽而悔也。乃使池以三城講

於三國。初，孟嘗君欲借兵食於西周，蘇代為西周謂孟

嘗君曰：為去聲。君攻楚九年，取宛、葉以北。宛，今南陽縣。葉，今葉縣，俱屬南

陽府。以彊韓魏，今復攻秦以益之，韓魏南無楚憂，西

無秦患，則齊危矣。君不如臨函谷而無攻，令敝邑以君

之情謂秦王曰：薛公必不破秦以彊韓魏，其攻秦也，欲

王之令楚王割東國以與齊，而秦出楚王以為和，秦得

無破而以東國自免也。秦必欲之，楚王得出，必德齊，齊

得東國，益彊而薛世世無患矣。孟嘗君從其計，會池求

講解，遂罷兵，而秦卒不出楚懷王。

甲子十八年，楚懷王亡走趙，趙主父在代，趙人不敢受，將走

魏，秦人追及之以歸。

趙武靈王封其弟勝為平原君。封邑在直隸廣平府清河縣。

乙丑十九年。楚懷王卒於秦。秦歸其喪。楚人憐之。如悲親戚。

丙寅二十年。秦以穰侯魏冉為丞相。

戊辰二十二年。韓魏伐秦。魏冉薦左更白起為國尉。左更。秦十二爵。

起。郡人。今鳳翔府郿縣。國尉。戰國掌兵之官名。敗韓魏。斬首二十四萬。拔五城。

己巳二十三年。秦王遺楚襄王橫書曰。楚倍秦。自懷王死而秦楚絕。因謂

之倍也。秦且率諸侯伐楚。願飭士卒。得一樂戰。樂音洛。楚王

患之。乃復與秦和親。而迎婦於秦。

辛未二十五年。魏入河東地四百里。韓入武遂地二百里於

秦。河東。今平陽府境。武遂。史記索隱云。在宜陽近地。今河南志無考。

東周君入朝於秦。朝音潮。

壬申二十六年。秦大良造白起伐魏。取城大小六十一。大良造。即

大上造。秦十六爵。

癸酉二十七年。十月。秦稱西帝。遣使立齊湣王。地為東帝。使去

聲。齊王問於蘇代曰。秦使致帝。何如。曰。願王受之。而勿

稱。以收天下之望。所謂以卑為尊也。齊王從之。稱帝三

日。而復去之。秦亦去帝號。

戊寅三十三年。秦王聞趙得楚和氏璧。請易以十五城。楚人卞和

得玉璞於荆山。獻之楚王。以為石也。別其左足。後又獻之。別其右足。楚文王時。和抱璞而泣。王使問之。曰。寶玉而題之。以石。信士而名之。以詐。是以悲也。王使人琢之。果得美玉。按和。江南鳳陽府壽州人。荆山。在湖廣襄陽

府南漳縣趙欲勿與畏秦彊欲與恐見欺藺相如曰以城求

壁而不與曲在我矣與之壁而不與我城則曲在秦臣

願奉壁而往城不入臣請完璧而歸王遣之相如至秦

既獻壁視秦王無意償城乃給取壁給詭詞也音詒遣從者懷

之間行歸趙從間並去聲而以身待命於秦秦王賢而歸之

趙王以為上大夫相如趙人今直隸真定府城北有牧庄三塚為相如廉頗李牧三人墓

辛巳三十五年秦攻楚黔中拔之楚獻漢北及上庸地漢北陝西

漢中府以東諸地上庸今鄖陽府竹山縣

壬午三十六年秦使告趙惠文王何願為好會於河外澠池

河南府澠池縣廉頗藺相如曰王不行示趙弱且怯也趙王乃

行相如從頗送至境與王訣曰王行度道里會遇之禮

畢度音鐸不過三十日過此不還旋音則請立太子以絕秦

望王許之及會飲酒秦王請趙王鼓瑟趙王鼓之相如

請秦王擊缶缶盛酒瓦器秦俗擊之以節樂秦王不肯相如曰五步之

內臣請得以頸血濺大王矣左右欲刃相如相如張目

叱之左右皆靡秦王不懾為一擊缶罷酒秦終不能有

加於趙趙人亦盛為之備秦不敢動趙王歸以相如為

上卿位在廉頗右頗曰我有攻城野戰之功相如徒以

口舌位加我上我見相如必辱之相如聞之每朝音潮常

稱病出而望見輒引車避匿其舍人皆以為恥相如曰

子視廉將軍孰與秦王曰不若相如曰夫以秦王之威而相如廷叱之扶夫音相如雖懦獨畏廉將軍哉顧我念

之秦所以不敢加兵於趙者徒以吾兩人在也今兩虎共鬪勢不俱生吾所以為此者先國家之急而後私讎也頗聞之肉袒至門負荆謝罪遂為刎頸交

癸未 三十七年秦白起伐楚拔郢置南郡今荆州府封起為武安

君楚東遷保陳城今開封府陳州

甲申 三十八年秦取楚巫郡今巫山縣置黔中郡秦黔中今湖廣常德府

乙酉 三十九年魏安釐王封其弟無忌為信陵君信陵今河南歸德府

寧陵縣釐音僖

丙戌 四十年秦魏冉伐魏魏納八城又圍大梁魏又割溫以

和今懷慶府溫縣

丁亥 四十一年趙魏伐韓秦使白起救韓伐魏華陽在開封府鄭州

破之斬首十三萬沉趙卒七萬

戊子 四十二年魏段干子請割南陽與秦以和蘇代謂魏王

曰欲壘者段干子也古者印章通得稱壘欲地者秦也

今王使欲壘者制地欲地者制壘魏地盡矣夫以地事

秦猶抱薪救火扶夫音薪不盡火不滅魏王曰事已行不

可更矣對曰博之所以貴梟者便則食不便則止博者以木

為五穀采有梟盧雉犢塞以為勝負之別得梟者為最勝今何王之用智不如用梟

也。魏王不聽。卒以南陽為和。今懷慶府修武縣。今之南陽府時屬韓。為宛邑。

己丑四十三年。秦白起攻韓。拔五城。斬首五萬。秦王將使起

與韓魏伐楚。楚使者黃歇至秦。歇。常德府人。○使去聲。聞之。恐其

一舉而滅楚也。乃上書曰。韓魏父子兄弟接踵而死於

秦者。將十世矣。韓魏之不亡。秦社稷之憂也。今王信韓

魏之善王。而欲資之以攻楚。此正吳之信越也。臣為王

慮。莫若善楚。秦楚合。則韓魏必為關內之侯。而注地於

齊。注。以兵截之也。齊之右壤。可拱手而取也。王之地。一經兩海。

東西為經。秦地所以不經於東海者。以有齊耳。齊既取。則自西海至東海。皆秦有矣。要約天下。橫

於中。如腰之約。是燕趙無齊楚。齊楚無燕趙也。然後危

動燕趙。直搖齊楚。此四國者。不待痛而服矣。王從之。使

歇歸。約親於楚。楚復使歇侍太子完為質於秦。質音致。

秦置南陽郡。今河南南陽府。

辛卯四十五年。初。趙奢為田部吏。收租稅。奢。趙人。一統志入真定府。

人平原君家不肯出。奢以法殺其用事者九人。平原君

怒。將殺之。奢曰。君於趙為貴公子。今縱君家而不奉公。

則法削。法削則國弱。國弱則諸侯加兵。是無趙也。君安

得有此富乎。平原君賢之言於王。使治國賦。國賦大平。

及秦圍闕與。故城在山西沁州西北。音曷預。王召羣臣問之。廉頗樂乘

皆曰。道遠險陜。難救。奢曰。道遠險陜。如兩鼠鬪於穴中。

將勇者勝

將去聲下同

王乃令奢將兵救之去邯鄲三十里

而止

邯鄲今直隸廣平府邯鄲縣

令軍中曰有以軍事諫者死秦師

軍武安西

今河南彰德府武安縣西南

鼓譟勒兵武安屋瓦盡震有

言急救武安者奢立斬之堅壁二十八日不行復益增

壘秦間入趙軍

間去聲下同

奢善食而遣之

食音嗣

間還報秦

將大喜奢既遣間捲甲而趨一日一夜距闕與五十里

而軍軍壘成秦師聞之悉甲而往趙軍士許歷請諫奢

進之歷曰秦不意趙至此其來氣盛將軍必厚集其陣

以待之不然必敗奢曰請受教歷請刑不許歷復請曰

先據北山者勝奢即發萬人趨之秦師後至爭山不得

上奢縱兵擊之秦師大敗解闕與而還

旋音

趙封奢為馬

服君以歷為國尉

馬服山名在邯鄲縣

初魏人范雎

字叔平陽府解州人○雎音雖

嘗從中大夫須賈使齊

使去聲

齊王聞其辯口私賜之金賈疑雎以國陰事告齊歸告

其相魏齊

相去聲

齊怒笞擊雎折脅拉齒雎佯死卷以簣

置廁中

卷音捲義同

使醉客更溺之以懲後

溺怒弔切

雎告守者

得出魏人鄭安平持雎亡匿更姓名曰張祿秦謁者王

稽使魏

使去聲

載與俱歸薦之王王見之離宮雎佯為不

知永巷而入其中王來宦者逐之曰王至雎謬曰秦安

得王獨有太后穰侯耳王聞其言乃屏左右

屏音丙

跽而

請曰先生何以幸教寡人對曰唯唯愈水切如是者三王

曰先生卒不幸教寡人邪銑音唯曰非敢然也臣羈旅之

臣也交疎於王而所願陳者皆匡君之事處人骨肉之

間處上聲願效愚忠而未知王之心此所以王三問而不

敢對也臣知今日言之於前明日伏誅於後獨恐臣死

之後天下杜口裹足莫肯嚮秦耳王蹠曰寡人得見先

生是天以寡人溷先生而存先王之宗廟也事無大小

上及太后下至大臣願先生悉以教寡人無疑寡人也

唯見左右多竊聽者未敢言內先言外事以觀王之俯

仰因進曰穰侯越韓魏而攻齊非計也齊湣王攻楚再

闢地千里而尺寸無得者豈不欲得地哉形勢不能有

也今王不如遠交而近攻得寸則王之寸也得尺則王

之尺也夫韓魏中國之處而天下之樞也夫音扶王若欲

霸必親中國以為天下樞而威楚趙則齊附而韓魏因

可虜矣王曰善以為客卿與謀國事

秦滅義渠始於隴西北地上郡築長城以拒胡隴西今鞏昌臨洮二

府北地今慶陽府即義渠地上郡今延安府及寧夏衛俱屬陝西

乙未四十九年秦范雎益親用事因謂秦王曰臣居山東時

聞齊之有孟嘗君不聞有王聞秦有太后穰侯不聞有

王夫擅國之謂王夫音扶能利害之謂王制殺生之謂王

今太后擅行不顧穰侯出使不報使去聲華陽涇陽擊斷

無諱高陵進退不請華陽太后弟芊戎涇陽公子四貴

備而國不危者未之有也為此四貴者下乃所謂無王

也王乃廢太后逐穰侯華陽高陵涇陽君於關外以睢

為丞相封應侯未幾太后以憂卒

丙申五十年秦伐趙趙孝成王丹新立太后用事求救於齊

齊人曰必以長安君為質音致後同太后不可齊師不出大

臣強諫強上聲太后怒甚曰有復言者復扶又切老婦必唾其

面左師觸龍請見太后盛氣而胥之入胥待也左師徐趨

而坐謝曰老臣病足不得見久矣而恐太后體之有所

苦也故願望見太后太后不和之色少解左師曰賤息

舒祺賤息子也舒祺名最少不肖少去聲下同而臣衰竊愛之願得

補黑衣之缺黑衣即緇衣卿士聽朝之正服以衛王宮太后曰丈夫亦

愛少子乎對曰甚於婦人太后笑曰婦人異甚對曰老

臣竊以為媼之愛燕后媼老婦尊稱音襖賢於長安君太后曰

不如長安君之甚左師曰媼之送燕后也持其踵而哭

亦哀之矣已行非不思也祭祀則祝之曰必勿使反為夫

家所遣則反豈非為之計長久為去聲子孫相繼為王哉太后

曰然左師曰今三世以前趙王之子孫為侯者其繼有

在者乎曰無有曰此其近者禍及身遠者及其子孫豈

人主之子侯則不善哉。子侯公子之有封爵者一作子孫。位尊而無功。

奉厚而無勞而挾重器多也。今媼尊長安君之位封以

膏腴之地多與之重器而不及今令有功於趙一旦山

陵崩長安君何以自托於趙哉。太后曰諾恣君之所使

之於是為長安君約車百乘去聲質於齊齊師乃出秦師

退。

丁酉五十二年秦白起伐韓拔九城。

戊戌五十二年秦白起伐韓取南陽攻絕太行道。通鑑注韓南陽即河

內野王之地今懷慶府河內縣非魏修武綱目以此為攻取有關於成敗之大勢當謂太行要地也。

楚頃襄王橫疾病黃歇侍太子於秦聞之言於應侯曰楚

王疾恐不起秦若歸其太子則是親與國而得儲萬乘

也。乘去聲不歸則咸陽一布衣耳楚更立君必不事秦應

侯以告昭王王曰令太子傅先往問疾反而後圖之歇

與太子謀曰王若卒大命陽文君之子必立為後太子

不得奉宗廟矣乃教太子變服為楚使者使去聲御以出

關而自為守舍謝病度已遠度音鐸乃自言請死王怒欲

殺之應侯曰歇出身以殉其主太子立必用歇不如歸

之以親楚王從之歇至三月楚王卒太子完即位。是為考烈

王以歇為相。去聲號春申君。春申君封邑初在淮北後封江東今江南蘇州府

己亥五十二年秦白起伐韓拔野王。在河內縣上黨路絕。今山西潞安府

上黨守馮亭與其民謀曰鄭道已絕韓都新鄭在野王南上黨在野王北

故絕不如歸趙趙受我秦必攻之趙被秦兵必親韓韓趙

為一則可以當秦矣乃告於趙曰韓不能守上黨入之

秦其吏民皆安為趙不樂為秦願再拜獻之大王趙王

以問平陽君豹對曰聖人甚禍無故之利王曰何謂無

故對曰秦蠶食韓地中絕不令相通固自以為坐而受

上黨也韓氏所以不入之秦者欲嫁其禍於趙也秦服

其勞而趙受其利雖疆大不能得之弱小弱小固能得

之於疆大乎不如勿受平原君請受之王乃使平原君

往受地封亭為華陽君北岳恒山有五別名其一曰華陽本在趙地亭垂涕

不見使者使去聲曰吾不忍賣主之地而食之也

丑辛五十五年秦使王齧攻上黨拔之上黨民走趙趙廉頗

軍長平以按據之長平關在潞安府長子縣齧因伐趙趙軍數敗數音

朔後頗堅壁不出又失亡多趙王怒數讓之應侯使人

反問曰問去聲秦獨畏馬服君之子括為將耳將去聲下同廉

頗易與且降矣降戶江切趙王遂以括代頗將藺相如曰王

以名使括若膠柱鼓瑟瑟每絃有柱謂之雁足更一調必移易其柱其聲始諧膠柱言

不知變也括徒能讀其父書傳不知合變也王不聽括自少

學兵法少去聲嘗與父奢言之奢不能難去聲然不謂善括

母問其故奢曰兵死地也而括易言之易去聲趙若將括

破趙軍者必括也。及括將行，將如字母上書言括不可使

王問之，對曰：括父為將，得賞賜，盡以與軍吏士大夫。受

命之日，不問家事。今括一旦為將，東向而朝，音潮軍吏無

敢仰視，所賜金帛，歸買田宅。父子異心，願王勿遣。王曰：

吾已決矣。母曰：即有不稱，去聲妾請無隨坐。王許之。秦王

聞括為將，乃陰使武安君為上將，而齧為裨將，令軍中

有敢泄武安君將者，斬。括至軍，悉更約束，易置軍吏。出

兵擊秦，武安君佯敗走。張二奇兵以劫之。括乘勝追造

秦壁，造音糙壁堅拒不得入。而秦奇兵絕其後，軍分為二。

糧道絕。趙請粟於齊，齊襄王弗許。周子曰：趙之於齊楚

唇齒也。救趙之務，宜若奉漏甕，沃焦釜然。奉音捧且救趙

高義也。却秦顯名也。不務此而愛粟，為國計者過矣。弗

聽。趙軍食絕四十六日，人相食。括自出搏戰，秦射殺之。

卒四十萬人皆降。戶江切武安君挾詐，盡坑殺之，遺其小

者二百四十人。前後斬首四十五萬人。趙人大震。計武安君

所殺合紀傳所載凡八十九萬人。而攻城略地所殘殺不與焉。

壬寅 五十六年，武安君分軍為三。王齧攻趙，拔武安皮牢。在平

陽府翼城縣司馬梗北定太原。今太原府盡有上黨地。韓趙恐，使

蘇代說應侯曰：說音稅趙亡則秦王去聲而武安君為三公

矣。君能為之下乎？不如因而割之，無以為武安君功也。

應侯言於秦王曰。秦兵勞。請許韓趙割地以和。王聽之。武安君由是與應侯有隙。

趙王之約割地也。趙相虞卿謂孝成王曰。相去聲秦之攻王

也。倦而歸乎。抑愛王而弗攻乎。王曰。秦不遺餘力矣。必

以倦而歸耳。虞卿曰。秦以其力攻其所不能取。倦而歸。

王又以其力之所不能取者送之。是助秦自攻也。來年

秦攻王。王無救矣。樓緩曰。秦趙構難。去聲而天下悅。今不

割地求和。以疑天下。慰秦之心。則天下將因秦之怒。乘

趙之敝。而瓜分之矣。虞卿曰。危哉。樓子之計。是愈疑天

下。而何慰秦之心哉。且臣言弗與者。非固弗與而已也。

秦索六城於趙。王以六城賂齊。則是王失之於齊。而取

償於秦也。以此發聲。臣見秦之重賂至趙。而反媾於王

矣。趙王曰。善。使卿如齊。未返。而秦使者已在趙矣。使去聲

初魏安釐王聞孔斌賢。聘以為相。斌字子順。孔子六世孫。○相去聲斌謂

使者曰。使去聲若王能信用吾道。吾道固為治世也。若

徒委以重祿。吾猶一夫耳。魏王奚少於一夫。使者固請

乃往。改嬖寵之官。以事賢才。奪無任之祿。以賜有功。無任

不任勞也諸喪職秩者不悅。喪去聲陳大計。又不用。乃以病致

仕。嘗嘆曰。死病無良醫。不出二十年。天下其盡為秦乎。

秦之始伐趙也。魏人皆以為便。斌曰。秦貪暴之國也。勝

趙必復他求。吾恐於時魏受其師也。先人有言。燕雀處堂。子母相哺。啾啾相樂。音洛自以為安。竈突炎上。棟宇將焚。燕雀顏不變。不知禍之將及已也。今子不悟趙破而患將及已。可以人而同於燕雀乎。

魏須賈使秦。

使去聲

范雎敝衣間步之。邸見賈。

邸寓也。間去聲。

賈驚

曰。范叔固無恙邪。

音鈔

何一寒如此。乃取一綈袍以賜之。

賈因問曰。孺子豈有客習於相君者哉。

相去聲。下同。

雎曰。主

人翁習知之。

託言旅舍主人所習。

請為君見於張君。乃為須賈御。

入秦相府。謂曰。我為君先入通於相君。賈待良久。問門下曰。范叔不出。何也。門下曰。無范叔。鄉者吾相張君也。

鄉音向。

賈乃肉袒膝行謝罪。范雎盛帷帳。侍者甚眾。坐賈

堂下而數之。

數上聲。

曰。公之所以得無死者。以綈袍戀戀

猶有故人之意耳。為我歸告魏王。速斬魏齊頭來。不然

且屠大梁。

魏都。

賈歸告齊。齊懼。走趙。匿平原君家。秦王欲

為應侯報讎。乃誘平原君至而執之。使謂趙王曰。不得

齊首。吾不出。王弟於關。齊窮抵趙。相虞卿。卿棄相印。與

偕亡。走魏。信陵君意難見之。齊怒自殺。趙王取其首。與

秦。秦乃歸平原君。雎言。王稽王以為河東守。又任鄭安

平。王以為將軍。雎散家財物。以報所嘗困厄者。一飯之

德。必償。睚眦之怨。必報。

睚眦。怒目也。睚音厓。眦音士。懈切。

癸卯

五十七年秦武安君病使王陵伐趙攻邯鄲少利邯鄲趙國

都見四十五年秦王欲使武安君代之武安君曰邯鄲實未易

攻也易去聲且諸侯之救日至趙應其內諸侯攻其外破

秦軍必矣辭疾不行乃以王齕代陵攻趙趙使平原君

求救於楚平原君約其門下食客文武備具者二十人

與俱得十九人餘無可取者毛遂自薦平原君曰賢士

之處世如錐之處囊中其末立見末錐尾芒也今先生處勝

門下三年矣勝未有所聞是先生無所有也遂曰臣乃

今日請處囊中耳使臣早得處囊中乃脫穎而出穎卽末也

言錐鋒且出囊外非特其末見而已平原君乃與之俱至楚與

楚王言合從之利害考烈王○從音蹤後同久而不決遂按劍歷

階而上曰從之利害兩言而決耳今日出而言日中不

決何也王怒叱之遂按劍而前曰王之所以叱遂者以

楚國之衆也今十步之內王不得恃楚國之衆也王之

命懸於遂手吾君在前叱者何也且以楚之彊天下弗

能當白起小豎子耳一戰而舉鄢郢鄢今襄陽府宜城縣郢今荊州府俱

湖廣再戰而燒夷陵今荊州府夷陵州三戰而辱王之先人此百

世之怨趙之所羞而王弗知惡焉惡鳥路切合從者爲楚非

爲趙也爲並去聲楚王唯唯愈水切乃定從遂請楚王歃血於

堂上乃左手持盤血右手招十九人歃血於堂下曰公

等碌碌所謂因人成事者也平原君歸曰勝不敢復相
天下士矣相去聲因以遂為上客楚王使春申君救趙

魏安釐王使晉鄙救趙秦王使謂魏曰吾攻趙旦暮且下
諸侯敢救者必移兵先擊之魏王恐止鄙壁鄴今河南彰德府

臨漳縣使將軍新垣衍說趙王說音稅欲共尊秦為帝以卻

其兵魯仲連聞之往見衍曰仲連齊人一統志入青州府人物秦者棄
禮義而上首功之國也秦法斬首多者為上功彼即肆然而為帝

則連有蹈東海而死耳不願為之氓也且秦萬乘之國
也乘去聲梁亦萬乘之國也秦無已而帝則將行天子之

禮以號令天下變易諸侯之大臣奪其所憎而與其所

愛梁王安得晏然而已乎衍再拜曰吾乃今知先生天

下士也不敢復言帝秦矣

魏公子無忌仁而下士食客三千人魏有隱士曰侯嬴開封

府人年七十家貧為大梁夷門監者夷門魏城東門公子置酒大

會賓客坐定公子從車騎虛左自迎侯生乘車以左為尊虛以迎之

也尊之侯生至引坐上坐賓客皆驚及秦圍趙趙平原君

夫人無忌姊也使者冠蓋相屬於魏使去聲讓魏救不至

讓怨責也公子數請魏王敕鄙救趙數音朔王終不聽公子乃

屬賓客屬音燭約車騎百餘乘去聲欲赴鬪以死於趙過見

侯生生曰公子無他端而欲赴秦軍如以肉投餒虎何

功之有公子再拜問計。生曰：吾聞晉鄙兵符在王臥內，而如姬最幸，力能竊之。公子嘗為如姬報其父仇，如姬欲為公子死，無所辭。為並去聲誠一開口，則得虎符，奪鄙兵北救趙，西却秦，此五霸之功也。公子如其言，得兵符。侯生曰：將在外，君令有所不受。將去聲下同有如鄙疑而復請之，則事危矣。臣客朱亥，力士，可與俱。鄙不聽，使擊之。公子至鄴，鄙合符，果疑之。亥椎殺鄙，公子將兵而進。

甲辰五十八年，秦王齧久圍邯鄲，不拔。諸侯來救，數戰不利。

數音朔武安君曰：不聽吾計，今何如矣！王聞之，怒，免武安

君為士伍，遷之陰密。在陝西平涼府靈臺縣行至杜郵。今西安府咸陽縣北

有杜郵亭應侯曰：起之遷，意尚快快，有餘言。王使賜之劍，武

安君自殺。應侯乃任鄭安平，使將擊趙。將去聲下同魏信陵

君下令軍中曰：父子俱在軍中者，父歸，兄弟俱在軍中

者，兄歸，獨子無兄弟者，歸養。去聲得選兵八萬人，將之而

進，大破秦軍於邯鄲下。王齧敗走，鄭安平以二萬人降

趙。降戶江切信陵君不敢歸魏，使將將其軍以還。音旋趙王欲

以五城封公子，公子聞之，有自功之色。客謂公子曰：物

有不可忘，有不可不忘。人有德於公子，公子不可忘也。

公子有德於人，願公子忘之。且矯令奪兵以救趙於趙

則有功矣。於魏則未為忠臣也。公子乃自驕而功之，竊

通鑑本末紀要 卷五
爲公子不取也。於是公子立自責，若無所容。趙王自迎，執主人之禮，引公子就西階。公子側行，從東階上，自言罪過，以負於魏，無功於趙。趙王與公子飲至暮，以公子退讓，竟不敢言獻五城。

平原君欲封魯仲連。

以其止帝秦也。

連不受，乃以千金爲壽。連笑

曰：所貴天下士者，爲人排患難，解紛亂，而無所取也。

爲難

並去聲

卽有取者，是商賈之事。連不忍爲也，遂辭去。

賈音古

乙巳五十九年，秦伐韓趙，赧王命諸侯討之。秦遂入寇，王入

秦，頓首謝罪，盡獻其地三十六，口三萬，歸周而崩。

丙午

東周君□年

秦昭襄王五十二年

初，范雎德王稽，欲報之。秦王以爲

秦河東守，至是坐與諸侯通，棄市。王臨朝而嘆。

朝音潮

應侯

請其故，王曰：武安君死，而鄭安平、王稽等皆畔，內無良

將。

去聲

外多敵國，吾是以憂。應侯懼，不知所出。燕客蔡澤

聞之，西入秦。

澤燕人一統志入直隸順天府人物

先使人宣言於應侯曰：

蔡澤見王，必奪君位。應侯召澤讓之。

讓誚責也

澤曰：吁！君何

見之晚也！四時之序，成功者去，商君、吳起、大夫種，何足

願與。

平聲

應侯謬曰：何爲不可？君子有殺身以成名，死無

所恨。澤曰：身名俱全者，上也。名可法而身死者，次也。三

子之可願，孰與閔天？

平聲

周公哉？語曰：日中則移，月滿則

虧。進退盈縮，與時變化。君今怨已，讎德已報，意欲至矣。

而無變計。竊為君危之。應侯曰：善。遂薦澤於王。因謝病免。王悅澤，任以為相。去聲數月免。

赧王既獻西周之邑，其民不樂屬秦。樂音洛亡歸東周。秦取其寶器九鼎，遷西周公於患狐之聚。患狐聚在河南府洛陽縣。○患憚同。

韓王入朝於秦，魏舉國聽令。

丁未。東周君。○年秦昭襄王五十二年。秦王郊見上帝於雍。今鳳翔府南七里有雍城。

庚戌。東周君。○年秦昭襄王五十六年。昭襄王卒，子孝文王柱立。初，孝文

王為太子，妃曰華陽夫人，無子。夏姬生子異人，質於趙。

質音致秦數伐趙。數音朔趙不禮之，困不得意。陽翟大賈呂

不韋適邯鄲。陽翟，今開封府禹州。○賈音古。見之曰：此奇貨可居。以異人方

財貨也。居，蓄積也。言可居積以乘時射利。乃說之曰：說音稅，後同。秦王老矣，太子

愛華陽夫人而無子，子之兄弟二十餘人，子居中不甚

見幸，不得尊立為嗣矣。異人曰：奈何？曰：能立嫡嗣者，獨

華陽夫人耳。不韋雖貧，請以千金為子西遊，立子為嗣。

異人曰：必如君策。秦國與子共之。不韋乃與五百金，令

結賓客，復以五百金買奇物玩好。復扶又切自奉而西，見夫

人姊，而以獻於夫人。因譽異人之賢，賓客徧天下。日夜

泣思太子及夫人。夫人喜，不韋因使其姊說曰：夫人愛

而無子，不以繁華時蚤自結於諸子，中賢孝，舉以為

嫡，即色衰愛弛，雖欲開一言，尚可得乎？今異人賢，自知

中子不得為嫡誠以此時拔之異人無國而有國夫人無子而有子則終身有寵於秦矣夫人以為然乘間言之太子問去聲約以為嗣因請不韋傅之不韋娶邯鄲姬絕美者與居知其有娠異人見而請之不韋佯怒既而獻之碁年生子政異人遂以為夫人邯鄲之圍異人亡赴秦軍逃歸秦華陽夫人楚人也異人因楚服以見夫人更名楚至是孝文王遂以楚為太子

辛亥東周君□年秦孝文王元年冬十月秦孝文王除喪即位三日卒

子楚立是為莊襄王以呂不韋為相國封文信侯相去聲

壬子秦莊襄王元年秦滅東周遷其君於陽人聚在河南汝州城西

蒙驁伐韓取成臯開封府汜水縣滎陽今縣屬開封府初置三川郡今河南府

癸丑二年秦蒙驁伐趙取榆次狼孟等三十七城榆次今太原府榆次縣狼孟今太原府東北柵山下黃頭城是作狼孟者非

甲寅三年秦王齧取上黨諸城初置太原郡今太原府秦蒙驁帥師伐魏魏師數敗數音朔魏王請信陵君於趙公

子畏得罪不肯還音旋下同毛公薛公見曰公子所以重於諸侯者以有魏也今魏急而公子不恤一旦秦人克大

梁夷先王之宗廟公子何面目立天下乎語未畢信陵君色變趣駕還魏趣音促魏王持信陵君而泣以為上將

軍信陵君求援於諸侯諸侯聞信陵君復為魏將去聲皆

遣兵救魏。信陵君帥五國之師，敗驚於河外。通鑑胡注云：自春秋

至戰國，率以黃河之西為河外。追至函谷關而還。據胡注：河外在函關西，今反追而東，可疑。

五月，秦莊襄王卒，子政立。是為始皇。按是時，始皇年十三歲。國事皆決於

文信侯，號稱仲父。音甫

乙卯秦王政元年初，韓欲罷秦。罷音皮使無東伐，乃使水工鄭

國為間於秦。間去聲鑿涇水為渠。涇水出陝西平涼府西，南白巖，至西安府高陵

縣入渭。中作而覺，欲殺之。國曰：臣為韓延數年之命，然渠

成，亦秦萬世之利也。乃使卒為之，注填闕之水。填闕猶壅滯也。

○闕音燕溉烏鹵之地。烏鹵，土鹹而瘠也。四萬餘頃，收皆畝一鍾。由

是秦益富饒。一鍾六斛四斗。古者百步為畝。秦漢以後，畝二百四十步，故有一鍾之收。

丙辰二年趙使廉頗伐魏，會趙孝成王丹卒。子悼襄王偃立

使武襄君樂乘代頗，頗奔魏。久之，趙師數困於秦。數音朔

思復得頗，頗亦思復用於趙。趙王使視頗，尚可用否。頗

之仇郭開多與使者金。使去聲下同令毀之，頗見使者，一飯

斗米，肉十斤，被甲上馬，以示可用。被音披使者還報曰：廉

將軍雖老，尚善飯，然與臣坐，頃之三遺矢矣。矢，糞也。王以

為老，遂不召。楚人迎之，頗一為楚將。去聲無功，曰：我思用

趙人，尋卒於楚。

丁巳三年趙李牧伐燕，取武遂。今真定府武強縣李牧者，北邊良將

也。牧，真定府人。嘗居代雁門，備匈奴。代，今大同府蔚州。雁門，關名，在

太原府代州以便宜置吏市租皆輸幕府古者出征以幕帳為府署也為

士卒費日擊數牛饗士習騎射謹烽火多間諜間去聲為

約曰匈奴入盜則急收保收畜產而自保也有敢捕虜者斬如

是數歲無所亡失匈奴以為怯雖趙邊將亦以為怯趙

王使人讓之牧如故王怒使人代之屢出戰不利邊不

得田畜王復請牧牧稱病不出王彊起之彊欺兩切牧曰必

用臣臣如前乃敢奉令王許之牧至邊如約匈奴數歲

無所得終以為怯士卒日得賞賜皆願一戰乃選車騎

習戰大縱畜牧人民滿野匈奴小入佯北以數十人委

之單于聞之大率眾入牧乃多為奇陣張左右翼擊之

大破匈奴十餘萬騎單于奔走十餘載不敢近趙邊

秦既敗於河外使人行萬金以間信陵君間去聲求得晉鄙

客令說魏安釐王曰說音稅釐音僖公子亡在外十年矣今復

為將去聲諸侯皆屬天下徒聞信陵君不聞魏王矣秦又

數使人賀信陵君為魏王未也數音朔魏王信之使人代

公子信陵君謝病不朝音潮日夜以酒色自娛四歲而卒

漢高祖十二年詔與無忌墓守冢五家

戊午四年秋七月秦蝗疫令民納粟拜爵此鬻爵之始

己未五年秦蒙驁伐魏取酸棗等二十城酸棗故城在延津縣初置東

郡今山東東昌府

庚申六年楚趙魏韓衛合從以伐秦從音踪下同楚考烈王為從

長春申君用事取壽陵至函谷舊以壽陵在常山今真定府境通鑑胡注謂與

函谷太遠當在河南平陽二府之地秦師出五國皆敗走楚王以咎春申

君朱英謂春申君曰先君時秦善楚二十年不攻者踰

黽阨塞名在河南汝寧府信陽州○黽音冥不便假道兩周背韓魏而攻

楚不可今則不然魏旦暮亡不能愛許鄆陵今許州鄆陵縣俱屬

開封府割以與秦秦去陳百六十里開封府陳州時楚都臣見秦楚

之日鬪也楚於是去陳徙都壽春江南鳳陽府壽州命曰郢從舊

都之名也

癸亥九年初秦王年少去聲太后與文信侯私通王益壯文信

侯恐事覺及禍乃以舍人嫪毐詐為宦者進之嫪郎到切毒倚

亥切生二子封毐為長信侯政事皆決於毐至是有告毐

實非宦者王下吏治毐毐矯御璽發兵為亂王使相國

昌平君昌文君攻毐獲之夷三族相去聲遷太后於雍去聲

殺其二子下令敢諫者死諫而死者二十七人齊客茅

焦請諫焦一統志入濟南府人物王怒按劍趣召鑊趣音促欲烹之焦

徐行至前曰陛下車裂假父囊撲二弟囊撲以囊盛其人撲而殺之也

遷母於雍殘戮諫士桀紂之行去聲不至於是令天下聞

之盡瓦解無嚮秦者臣竊為陛下危之言已乃解衣伏

鎖王下殿手接之爵以上卿自駕虛左方迎太后歸復

通鑑本末紀要 卷五
為母子如初

楚考烈王無子。趙人李園進其妹於春申君。既有娠。園使

妹說春申君曰。說音稅楚王無子。即百歲後。將更立兄弟。

彼亦貴其故所親。君安得常保此寵乎。今妾有娠。而人

莫知。誠以君之重。進妾於王。賴天而有男。則是君之子

為王也。楚國可盡得。孰與身臨不測之禍哉。春申君乃

出之。謹舍。而言諸王。王召幸之。遂生男。立為太子。園妹

為后。園亦費用事。恐春申君泄其語。陰養死士。欲殺之

以滅口。王卒。園伏死士於門。刺殺春申君。太子煜立。是為

幽王

甲子年十秦宗室大臣議曰。諸侯人來仕者。皆為其主遊間

耳。為間並去聲請一切逐之。切去聲於是大索逐客。客卿楚人

李斯。河南汝寧府上蔡縣人亦在逐中。行且上書曰。昔穆公求士

取由余於戎。得百里奚於宛。今南陽縣迎蹇叔於宋。求丕豹

公孫支於晉。并國二十。遂霸西戎。孝公用商鞅。諸侯親

服。惠王用張儀。散六國從。從音蹤使之事秦。昭王得范雎

彊公室。杜私門。此四君者。皆以客之功。由此觀之。客何

負於秦哉。今乃不問可否。不論曲直。非秦者去。為客者

逐。棄黔首以資敵國。黔黑也。始皇名民曰黔首。却賓客以業諸侯。此

所謂藉寇兵而齎盜糧者也。言如借寇以糧。兵遺盜以糧。王乃召斯復

其官除逐客令。卒用斯謀。陰遣辯士齎金玉遊說諸侯。說音稅厚遺結其名士。不可下者刺之。離其君臣之計。然

後使良將將兵隨其後。將並去聲數年之中。卒兼天下。

丙寅年十二初。秦王以不韋奉先王功大。有罪不忍誅。免就

國。在河南府歲餘。諸侯使者請之。相望於道。使去聲王恐其為

變。賜不韋書曰。君何功於秦。乃封河南十萬戶。何親於

秦。號稱仲父。上聲其徙處蜀。處上聲不韋恐誅。飲酖死。

戊辰年十四韓諸公子非善刑名法術之學。見韓削弱。數以

書干韓王。數音王不能用。非作孤憤。言孤直不容於時五蠹。蠹政

之事說難等篇十餘萬言。說難言遊說之不易也。○說音稅下同至是王

使納地效壘於秦。請為藩臣。非因說秦王曰。大王誠聽

臣。一舉而天下之從不破。從音趙不舉。韓不亡。荆魏不

臣。齊燕不親。則斬臣狗國。以戒為王謀不忠者。為去聲王

悅之。未用。李斯譖之。下吏自殺。

辛未年十七秦內史勝滅韓。虜王安。初置潁川郡。今開封府許州

壬申年十八秦王翦伐趙。翦。潁陽人。今西安府同官縣趙使李牧禦之。秦

與嬖臣郭開金。使言牧欲反。趙王使趙蔥顏聚代之。牧

不受命。遂殺之。

癸酉年十九秦滅趙。虜王遷。初置邯鄲郡。今廣平府邯鄲縣趙公子

嘉自立為代王。與燕合兵軍上谷。今直隸保定府

甲戌二十一年燕太子丹嘗質於趙質音致下同與秦王善及秦王

即位丹質於秦秦王不禮焉丹怒亡歸欲報秦王秦將

軍樊於期得罪亡之燕丹受而舍之聞衛人荆軻賢卑

辭厚禮請見使劫秦王反諸侯侵地不可則刺殺之軻

曰行而無信秦未可親願得樊將軍首及燕督亢地圖

督亢燕之腴地今保定府定興縣有督亢陂新城縣有督亢亭以獻秦王秦王必悅見

臣臣乃有以報丹曰樊將軍窮困來歸丹丹不忍也軻

乃私見樊於期而說之說音稅於期涕泣自刎丹奔往伏

哭然已無可奈何乃函盛其首盛音成又嘗豫求天下之

利七首使工以藥焯之以試人血濡縷血出如絲縷之細人無

不立死者乃遣入秦太子及賓客知其事者皆白衣冠

送之至易水上易水出山西大同府廣昌縣東流經保定府易州至河間府河間縣北入海燕

丹送客處今在易州西高漸離擊筑似箏十絃荆卿和歌為變徵之

聲和去聲徵音紙士皆涕泣復為羽聲愴慨士皆瞋目髮上指

冠於時白虹貫日燕人畏之軻至咸陽秦王設九賓而

見之軻奉圖以進圖窮而匕首見把王袖而搃之搃擊也職

任切未至身王驚起袖絕軻逐秦王王環柱而走秦法羣

臣侍殿上者不得操尺寸兵左右以手共搏之侍醫夏

無且以藥囊提軻提擊也且音直左右曰王負劔負劔王遂拔

以擊軻斷其左股軻引匕首摘王不中去聲自知事不就

罵曰事所以不成者欲生劫之必得約契以報太子也

遂體解以徇王怒益發兵就王翦於中山與燕代戰易

水西大破其軍遂圍薊今直隸順天府拔之燕王走遼東斬丹

以獻於秦高漸離變姓名為傭保久之聞其家堂上客

擊筑乃出其篋中裝與其善衣更容貌而前篋箱也坐

客皆驚因使擊筑客無不流涕者聞於始皇矐其目壞

其使擊筑稍益近之漸離乃以鉛置筑中扑秦皇帝不

中扑擊也普木切中去聲遂殺漸離終身不復近諸侯之客

丙子二十二年秦王賁伐魏引河灌大梁城魏王假降戶江切殺

之遂滅魏賁翦之子也

戊寅二十四年初秦王問於李信曰吾欲取荆度用幾何人度音

鐸信曰不過二十萬問王翦翦曰非六十萬人不可王

曰將軍老矣何怯也乃使信及蒙恬將二十萬人伐楚

將去聲翦謝病歸頻陽見前十年信敗楚軍引兵西與蒙恬

會楚人隨之三日不頓舍大敗之信奔還王怒自至頻

陽謝翦强起之强上聲翦曰大王必不得已用臣非六十

萬人不可王許之於是將以伐楚將去聲王自送至霸上

在西安府東翦請美田宅甚衆王曰將軍行矣何憂貧既行

又數使使者歸請之數音朔下使字去聲或曰將軍之乞貸亦已

甚矣翦曰王怛中而不信人怛心不精細也音粗今空國委我不

有以自堅。令王坐而疑我矣。翦至平輿。在河南汝寧府城東。輿去聲。

堅壁不戰。日休士洗沐而善飲食。撫循之。親與士卒同

食。久之。問軍中戲乎。對曰。方投石超距。飛石重十二斤。為機。發行三百

步。超距。跳越物也。翦曰。可矣。因擊楚。大破之。殺其將項燕。將去聲。

遂滅楚。虜其王負芻。悉定荆江南地。降百越之君。降戶江切。

初置會稽郡。今蘇州府。壽州。楚郡。今鳳陽府。

己卯。二十五年。秦王賁滅燕。虜王喜。還滅代。虜王嘉。

庚辰。秦始皇二十六年。初齊王建少事。皆決於君王。后君王

后事秦謹。與諸侯信。齊亦東邊海上。秦日夜攻五國。五

國各自救。以故建立四十餘年。不受兵。及君王后死。后

勝相齊。相去聲。與賓客多受秦間金。間去聲。勸王朝秦。朝音潮。

不修戰備。不助五國攻秦。秦以故得滅五國。至是王賁

攻齊。民莫敢格。建遂降。戶江切。秦遷之共。今河南衛輝府輝縣有共城。○

共音恭。處之松柏之間。餓而死。齊人歌曰。松邪柏邪。往建

共者客邪。邪並音鈺。疾建用客之不詳也。

王初并天下。自以德過三皇。功高五帝。乃更號曰皇帝。命

為制。令為詔。自稱曰朕。追尊莊襄王曰太上皇。制曰。死

而以行為謚。行去聲。是子議父。臣議君也。自今以來。除謚

法。朕為始皇帝。後世以計數。二世三世。至於萬世。傳之

無窮。

初齊人鄒衍一統志入青州府人物論著終始五德之運五德五行之德始

皇采用其說以為周得火德秦代周從所不勝為水德

始改年朝賀皆自十月朔朝音更名河曰德水臘曰嘉

平衣服旌旗皆尚黑數以六為紀水成數六也六為紀如六寸為符六尺為

步以為水德之始剛毅戾深事決於法刻削無仁恩和

義然後合於五德之數於是急於法久不赦

丞相綰等言燕齊荆地遠請立諸子為王以鎮之廷尉李

斯曰周封子弟同姓甚眾然後屬疎遠相攻擊如仇讎

天子弗能禁今海內賴陛下神靈一統皆為郡縣諸子

功臣以公賦稅重賞賜之甚足易制易去聲天下無異意

則安寧之術也置諸侯不便始皇是其議分天下為三

十六郡郡置守丞尉監守掌治其郡丞掌佐守尉典武職甲卒御史掌監郡○守音狩

監平收天下兵聚之咸陽以為鐘鐻鐻簾通樂器所懸橫曰筍直曰簾鐻

音金人十二置宮庭中始皇廿六年有大人長五丈見於臨洮始皇以為瑞遂鑄金人

號曰一法度衡石丈尺徙天下豪傑於咸陽十二萬戶

後平百越復置南海等四郡

三十六郡治

上谷今保定府易州 漁陽今順天府薊州

右北平今永平府 鉅鹿今順德府平鄉縣

邯鄲今廣平府邯鄲縣

遼東今奉天府

遼西今廣寧府○以上並今盛京

泗水今徐州沛縣

九江今鳳陽府壽州初名楚郡

鄆郡今德州

會稽今蘇州府○以上並今江南省

太原今太原府

雁門今太原府代州

雲中今大同府

代郡今大同府蔚州

河東今平陽府安邑縣

上黨今潞安府○以上並今山西省

內史今西安府

漢中今漢中府

北地今慶陽府

上郡今延安府綏德州

隴西今臨洮府

九原在河套境○以上並今陝西省

潁川今開封府禹州

三川今河南府

南陽今南陽府

碭郡今歸德府寧陵縣○以上並今河南省

齊郡今濟南府

瑯琊今青州府諸城縣

薛郡今兗州府

東郡今東昌府○以上並今山東省

南郡今荊州府

長沙今長沙府

黔中今常德府○以上並今湖廣省

蜀郡今成都府

巴郡今重慶府○以上並今四川省

南海今廣州府

象郡今廉州府

桂林今廣西桂林府

閩中今福建福州府○以上四郡三十三年初置

南郡 今南

縣 以上並今河南省

通鑑本末紀要卷之六

錦川蔡毓榮仁菴甫編輯 華亭林子卿安國氏註

豪傑亡秦

庚辰 秦始皇二十六年初并六國分天下為三十六郡初諸

廟及章臺 街名 上林 苑名 皆在渭南及破諸侯寫倣其宮室

寫摹 畫也 作之於咸陽北阪上南臨渭 今陝西西安府西三十里有咸陽故城渭

水經 其下 自雍門以東 雍門在西安府高陵縣○雍去聲 殿屋復道周閣相

屬 復道築起為道不與民庶相雜 所得諸侯美人鐘鼓

以充入之

辛巳 二十七年作信宮及甘泉前殿治馳道於天下 信宮即長信宮

馳道天子所行道也。

壬午二十八年。始皇東行郡縣。上鄒嶧山。在山東兗州府鄒縣。自山陽

至顛。立石頌德。封泰山。在山東泰安州。禪梁甫。在泰山下。增土曰封。除地曰禪。

遂東遊海上。南登瑯琊。山名。在山東青州府諸城縣。初燕人宋毋忌

羨門子高之徒。羨門古仙人。名子高。稱有仙道形解銷化之術。

解尸解也。人老而解去。故骨則變化也。自齊威宣燕昭王皆信之。使人入

海求蓬萊方丈瀛洲。云此三神山在渤海中。東海之別為渤海。西

海之別為青海。南海之別為漲海。北海之別為瀚海。猶五嶽之外有五鎮也。仙人及不死之

藥在焉。始皇至海上。方士徐市等上書。請得齋戒。與童

男女求之。於是遣市發童男女數千人求之。船交海中。

皆以風為解。曰。未能至。望見之焉。始皇還過彭城。今江州。

齋戒禱祠。欲出周鼎泗水。秦昭王取九鼎。一飛入泗水。八入於秦。使千

人沒水求之。弗得。乃西南渡淮。浮江至湘山祠。今湖廣岳州府

洞庭湖中君山。逢大風。幾不能渡。顧問湘君何神。博士對曰。堯

女舜妻。始皇大怒。伐赭其山。赭。燒而赤之也。

癸未二十九年。初韓人張良。字子房。一統志入河南開封府人物。祖父以上五

世相韓。祖開地。相昭侯。宣惠王。襄王。父平。相釐王。悼惠王。凡五世。○相去聲。及韓亡。良散

千金之產。欲為韓報讎。為去聲。始皇東遊。至陽武博浪沙

中。在開封府陽武縣。良令力士操鐵錐狙擊始皇。狙。伺物必伏。而候之。故凡

伏而擊者。曰狙擊。誤中副車。中去聲。始皇驚求。弗得。令天下大索

今者族所不去者醫藥卜筮種樹之書欲學法令者以吏為師制曰可

己丑

三十五年使蒙恬除直道道九原在大同塞外中受降城境抵雲陽

今西安府涇陽縣西北有雲陽城塹山堙谷千百八十里數年不就始

皇以咸陽宮廷小乃營朝宮渭南上林苑中朝音潮先作

前殿阿房殿之四阿皆為房也○阿烏何切東西五百步南北五十丈

上可以坐萬人下可以建五丈旗周馳為閣道自殿下

直抵南山表南山之巔以為闕為複道上下有道可行自阿房

度渭屬之咸陽以象天極閣道抵營室也天極北極也北極後有六

星絕漢抵室宿者曰閣道星隱宮徒刑者七十餘萬人宮刑必於隱室故曰隱宮

徒以罪供役也發北山石棹寫蜀荆地材皆至寫音郢義同關中計

宮三百關外四百餘秦都咸陽函谷在東曉關武關在

於是立石東海上胸界中在江南淮安府海州以為秦東門因徙

三萬家驪邑今西安府臨潼縣五萬家雲陽見前皆復不事十歲

免其征役

盧生說始皇以所居宮毋令人知說音稅然後真人至不死

之藥可得於是始皇曰吾慕真人自謂真人不稱朕令

咸陽旁三百里內宮觀複道相連觀去聲帷帳鐘鼓美人

充之各按署不移徙所行幸有言其處者死嘗幸梁山

在西安府乾州望見丞相車騎眾弗善之中人以告丞相乃損

不成乃見李斯曰上賜長子書及符璽長音掌皆在胡

亥所定太子在君侯與高耳事將何如斯曰安得亡國

之言此非人臣所當議也高曰君侯才能智慮功高無

怨長子信之孰與蒙恬長子即位恬必為相去聲君侯終

不懷通侯之印歸鄉里明矣胡亥慈仁篤厚願君侯審

計而定之斯以為然乃相與矯詔立胡亥為太子更為

書賜扶蘇數以不能立功數上聲數上書誹謗怨望數音朔

而恬不矯正皆賜死扶蘇發書泣欲自殺恬曰陛下使

臣將三十萬眾守邊將去聲公子為監此天下重任也

今一使者來使去聲安知其非詐復請而死未暮也扶蘇

曰父賜子死尚安復請即自殺恬不肯死繫諸陽周今陝

西慶陽府還報胡亥欲釋恬會毅出禱山川還音旋高曰

先帝欲立太子久矣而毅以為不可乃繫諸代今山西

蔚州胡亥至咸陽發喪襲位葬始皇帝於驪山下在西安

縣錮三泉奇器珍怪徙藏滿之令匠作機弩有穿近者

輒射之上具天文下具地理後宮無子者皆令從死工

匠為機者皆閉之墓中遂殺毅恬曰吾積功信於秦三

世矣今將兵三十餘萬其勢足以倍叛然自知必死而

守義者不敢辱先人之教以不忘先帝也遂吞藥自殺

壬辰二世元年二世謂趙高曰人生世間譬猶騁六驥過决

隙也。吾欲悉耳目之所好，去聲窮心志之所樂，音洛以終

吾年壽可乎。高曰：沙丘之謀，諸公子及大臣皆疑焉。此

其屬意快快皆不服，恐為變。陛下安得為此樂乎。二世

曰：為之奈何。高曰：陛下嚴法而刻刑，盡除先帝故臣，更

置陛下之所親信，則高枕肆志寵樂矣。二世然之，乃更

為法律，務益刻深。大臣諸公子有罪，輒下高鞠治之。公

子十二人戮死咸陽市，十公主矚死於杜。矚，磔同。支解之刑也。杜在

西安府咸寧縣東南。○矚，陟格切。復作阿房宮，徵材士五萬人為衛

秋七月，初陽城人陳勝，字涉，今江南鳳陽府宿州有故陽城及勝墓。傭耕隴

上，悵然曰：苟富貴，毋相忘。傭者笑之。涉太息曰：燕雀安

知鴻鵠之志哉。至是發閭左戍漁陽。秦時復除者居閭左，或云以富強為

右貧弱為左。時富者役盡，兼取貧弱者發之。九百人屯

大澤鄉。在徐州豐縣。勝與陽夏人吳廣為屯長。廣字叔，陽夏今開封府太

康縣。○長上聲。會天大雨，道不通，度已失期，乃殺將尉。度音鐸，將去聲。

令徒屬曰：公等皆失期，失期當斬，壯士不死則已，死即舉大名耳，王侯將相寧有種乎。將相去聲。

眾皆從之，乃詐稱公子扶蘇、楚將項燕。將去聲。為壇而盟，稱大楚，勝自立為將軍。

廣為都尉，攻蕪。今宿州南有廢蕪縣。下之行收兵，比至陳，比及也。陳今開

封府陳州。卒萬人，入據之。大梁陳餘、張耳上謁。大梁今開封府

勝素聞其賢，大喜。陳中父老請立勝為楚王，勝以問耳。

通鑑本末已要 卷六 豪傑亡秦 七

餘對曰將軍為天下除殘今始至陳而王之王去聲下同示

天下私願將軍毋王急引兵西遣人立六國後自為樹

黨為秦益敵敵多則力分與眾則兵彊誅暴秦據咸陽

以令諸侯則帝業成矣勝不聽自立為王號張楚張大楚國

也郡縣苦秦法爭殺長吏以應之長音使從東方來以

反者聞使去聲二世怒下之吏後至者曰羣盜鼠竊狗偷

郡守尉方捕逐今盡得不足憂也乃悅勝以廣為假王

假兼攝也監諸將擊滎陽今開封府滎陽縣○二年廣為楚將田臧所殺臧亦敗於秦而死

張耳陳餘說陳王略趙地說音稅陳王以所善陳人武臣

為將軍號為武信君耳餘為校尉與卒千人徇趙又令

魏人周市徇魏聞周文陳之賢人習兵使西擊秦文行

收兵得數萬人至戲今西安府臨潼縣有戲亭二世乃大驚少府章

邯音請請赦驪山徒少去聲悉發以擊楚軍大敗之二年周文敗死

八月張耳陳餘聞諸將為陳王徇地者將去聲多以讒毀誅

乃說武信君自立為趙王勝怒欲族其家柱國房君諫

曰房君號也秦未亡而誅武信君等家此生一秦也不

如因而賀之使急引兵西擊秦勝從其計耳餘曰楚特

以計賀王已滅秦必加兵於趙願王毋西兵而北徇燕

代今直隸順天府山西大同府諸地南收河內以自廣河內今河南懷慶府諸地楚

雖勝秦必不敢制趙不勝秦必重趙趙乘秦楚之敝可

以得志於天下。趙王從之。因不西兵。而使韓廣略燕。李

良略常山。今直隸真定府。張壓略上黨。今山西潞安府。

九月。楚人劉邦起兵於沛。邦字季。江南徐州沛縣人。自立

為沛公。邦隆準龍顏。隆高準鼻也。準亦音拙。愛人喜施。有大度。不

事家人。生產作業。初為泗上亭長。亭如今館驛也。○長音掌。亭中無

所不狎侮。嘗繇咸陽。繇役也。以供役故。至咸陽。○繇音徭。觀秦皇帝。喟然

太息曰。嗟乎。大丈夫當如此矣。單父人呂公奇其貌。以

女妻之。即呂后也。單父今兗州府單縣。○單音鱸。父音甫。妻去聲。始皇嘗曰。東

南有天子氣。因東游。以厭之。季即自疑亡。匿隱於芒碭

山澤間。在徐州碭山縣。○碭音宕。呂后與人俱求。常得之。季怪問之。

呂氏曰。季所居。上嘗有雲氣。故從往。常得季。沛中子弟

聞之多欲附者。季為縣送徒。驪山。時始皇葬驪山郡。縣皆送徒。士役作徒。

多道亡。自度比至。皆亡之。度音鐸。比音庠。到豐西。徐州豐縣。乃解縱

所送徒。曰。公等皆去。吾亦從此逝矣。徒中壯士願從者

十餘人。季被酒。夜徑澤中。徑斜。過也。有大蛇當徑。季拔劍斬

之。後人來至蛇所。有老嫗夜哭。曰。嫗威。遇切。吾子白帝子也。

化為蛇當道。今赤帝子斬之。嫗忽不見。後人告季。季乃

心獨喜。自負。諸從者日益畏之。及陳涉起。沛令欲應之。

掾主吏蕭何曹參曰。何豐縣人。參字。敬伯沛縣人。君為秦吏。今欲背

之。背音。佩。恐子弟不聽。願召諸亡在外者。以劫眾。乃令樊

通鑑本末紀要 卷六
噲召季。噲沛縣人。季衆已數十百人矣。令悔閉城。季乃書帛

射城上。遺沛父老。爲陳利害。父老乃率子弟殺令。迎季立爲沛公。旗幟皆赤。由所殺蛇者赤。帝子故也。蕭曹等

爲收沛子弟得三千人。以應諸侯。

楚人項梁起兵於吳。梁下相人。

今江南淮安府邳州西南有下相城。亦名項城。楚

將項燕子也。

將去聲下同。

嘗殺人。與兄子籍避讎吳中。吳中

賢士大夫皆出其下。籍字羽。長八尺餘。力能扛鼎。才器

過人。少時學書不成。

少去聲。

去學劍。又不成。梁怒之。籍曰

書足以記姓名而已。劍一人敵。不足學。學萬人敵。梁乃

教以兵法。籍大喜。略知其意。秦始皇游會稽。

今江南蘇州府。渡

浙江。

今錢塘江。

梁與籍俱觀。籍曰。彼可取而代也。梁掩其口

曰。毋妄言。族矣。梁以此奇籍。會稽守殷通欲應陳涉。使

梁將。梁因使籍斬通。梁持守頭。佩其印綬。擊殺數百人。

遂舉吳中兵。收下縣。得精兵八千人。梁自爲會稽守。以

籍爲裨將。時籍年二十四。

齊人田儋自立爲齊王。

儋音擔。

儋故齊王族也。與從弟榮橫

皆豪健。宗彊。能得人。周市徇地至狄。

在山東青州府樂安縣北。

儋殺

狄令。而召豪吏子弟。曰。諸侯皆反秦自立。齊古之建國

也。儋田氏當王。

去聲。

遂自立。擊市。走之。略定齊地。

趙將韓廣略地至燕。燕豪傑欲立以爲王。廣曰。廣母在趙。

不可燕人曰趙方西憂秦南憂楚其力不能禁我且以楚之疆不敢害趙王將相之家將相並去聲趙又安敢害將軍家乎廣乃自立為王居數月趙奉其母歸之

楚將周市定魏地將去聲諸侯欲立之市固辭請立魏後乃迎魏公子甯陵君咎為王市為相去聲

趙王與張耳陳餘略地王間出為燕軍所得間去聲囚之以

求割地使者往請使去聲燕輒殺之有廝養卒往見燕將

曰將去聲君知張耳陳餘何如人也曰賢人也曰知其志

何欲曰欲得其王耳養卒笑曰君未知兩人所欲也夫

武臣張耳陳餘夫音扶杖馬箠下趙數十城此亦各欲南

面而王去聲顧勢初定且以少長先立武臣少去聲長音掌今趙

地已服兩人亦欲分趙而王去聲今君乃囚趙王此兩人

名為求之實欲燕殺之也夫以一趙尚易燕易輕也音異况

以兩賢王左提右挈而責殺王之罪滅燕易矣燕乃歸

趙王養卒御而歸

癸巳二年楚懷王心趙王歇齊王田冬十月秦兵圍沛公於

豐沛公出戰破之令雍齒守豐自引兵之薛今山東兗州府秦薛

郡雍齒降魏降胡江切後同

十一月趙將李良弒其君武臣將去聲趙人多為張耳陳餘

耳目者故二人得脫收散兵得數萬人擊良良敗走

秦益遣兵擊楚楚莊賈弑其君勝以降於秦呂臣討賈殺

之復以陳為楚呂臣勝故涓人為蒼頭軍謚勝曰隱王

春正月張耳陳餘求得趙後歇立為王居信都今直隸真定府冀州

陳人秦嘉立景駒為楚王在留今江南徐州北有留城沛公往從之

張良亦聚少年百餘人至留少去道遇沛公屬焉沛公

以良為廐將去聲良數以太公兵法說沛公數音朔說音稅沛公

常用其策良與他人言輒不省良曰沛公殆天授遂從

不去

黥布者六人江南廬州府六安州姓英氏坐法黥以刑徒論輸驪山

驪山之徒數十萬人布交通其徒長豪傑長音掌與亡之

江中為羣盜番陽令吳芮番陽人今江西饒州府鄱陽縣甚得江湖間

心號曰番君布往見之番君以女妻之妻去聲使擊秦

廣陵人召平為楚徇廣陵今江南揚州府未下聞陳王敗乃矯王

令拜項梁為上柱國引兵擊秦梁以八千人渡江而西

東陽少年殺令起兵東陽縣故城在江南鳳陽府盱眙縣○少去聲欲立故令

史陳嬰為王嬰母曰暴得大名不祥不如有所屬事成

猶得封侯不成易以亡非世所指名也嬰乃謂軍吏曰

項氏世世將家將去聲有名於楚今將舉大事將非其人

不可將去聲下同於是嬰及英布皆以兵屬梁眾凡六七萬

梁曰陳王首事戰不利未聞所在今秦嘉立景駒大逆

無道乃進擊殺嘉駒走死至薛沛公往見之梁聞陳王

走死召諸將會薛計事居鄭人范增廬州府巢縣人年七十好

奇計說梁曰好去聲說音稅楚自懷王入秦不反楚人憐之至

今故楚南公曰南公楚人善言陰陽之術楚雖三戶亡秦必楚後項羽渡

三戶津擊章邯敗之秦遂亡陳勝不立楚後而自立其勢不長今君

起江東楚蠡起之將皆爭附君者以君世世楚將能復

立楚之後也梁然其言乃立楚懷王孫心為楚懷王都

盱眙今鳳陽府盱眙縣梁自號武信君張良亦說梁曰君已立

楚後韓諸公子橫陽君成最賢可立為王益樹黨梁從

之立成為韓王以良為司徒西略韓地

章邯擊魏齊楚救之齊王儋魏相市敗死相去聲下同魏王咎

自殺其弟豹亡走楚楚懷王復與豹千人使復徇魏地

齊人聞儋死乃立故齊王建之弟田假為王秋七月齊

王儋弟榮逐王假立儋子市為王而相之

時二世數誚讓丞相李斯數音朔相去聲後同居三公位如何今盜

如此斯懼重爵祿不知所出乃阿二世意阿於何切以書對

曰惟明主能行督責以獨斷於上羣臣百姓救過不給

何變之敢圖二世悅於是行督責益嚴稅民深者為明

吏殺人眾者為忠臣刑者相半於道死者日積於市民

益思亂郎中令趙高恃恩專恣恐大臣奏事言之乃說

二世曰天子所以貴者但以聞聲羣臣莫得見其面也
陛下富於春秋未必盡通諸事不如深拱禁中與臣及
侍中習法者待事來揆之則大臣不敢奏疑事天下稱
聖主矣二世乃不坐朝廷朝音事皆決於高斯以為言
高乃見斯曰關東羣盜多而上益發繇治阿房宮繇役也音
徭臣欲諫為位賤此真君侯之事君何不諫斯曰上居
深宮欲見無間高曰請候上間語君間並去聲於是待二世
方燕樂音洛婦女居前使人告斯可奏事矣斯至上謁如
此者三二世怒高因譖斯曰沙丘之謀丞相與焉與去聲
今陛下為帝其意亦望裂地而王去聲且其長男音守三

川今河南府與盜通丞相居外權重於陛下二世使人

案驗三川守與盜通狀斯聞之乃上書言高罪二世曰

趙君下知人情上能適朕朕實賢之而君疑之何也且

朕非屬趙君當誰任哉斯又與右丞相馮去疾進諫曰

羣盜並起皆以戍漕轉作事苦征戍水漕陸轉役作賦稅大也請

且止阿房宮作者減四邊戍轉二世曰君不能禁盜又

欲罷先帝所為下吏案罪去疾自殺斯自負其辯有功

無反心乃就獄二世屬高治之責與由反狀斯自誣服

具斯五刑論腰斬咸陽市斯謂其中子曰中音吾欲與

若復牽黃犬俱出上蔡東門逐狡兔豈可得乎上蔡今河南汝

寧府上遂父子相哭而夷三族二世乃以高為中丞相
蔡縣按內臣而為宰相執政者古今八人而始自趙高其後則北魏宗愛以太師大司馬都督中外諸軍錄尚書事唐李輔國以尚父司空中書令南漢龔澄樞李託以太師內樞密使宋童貫以太師領樞密院事梁師成以少保元李邦寧以大司徒領中書左丞相

項梁擊破章邯軍於東阿下今兗州府東阿縣引兵至定陶今兗州府定陶縣

再破秦軍項羽沛公又與秦軍戰於雍丘在今開

封府即斯子二世遣人大破之斬李由案治由已敗死梁輕秦有驕色

宋義諫曰戰勝而將驕卒惰者敗臣為君畏之弗聽二

世悉起兵益邯擊楚大破之定陶梁死懷王徙都彭城

今徐州并項羽呂臣軍自將之將並去聲以沛公為碭郡長上聲

封武安侯項籍為長安侯號為魯公

楚立魏王咎弟魏豹為魏王

章邯已破項梁乃北擊趙破邯鄲張耳以趙王走鉅鹿故城

在直隸順德府平鄉縣王離圍之陳餘軍其北章邯軍其南趙請

救於楚楚王聞宋義先策武信君必敗召與計事大悅

之因以為上將軍項羽為次將去聲下范增為末將以

救趙諸別將皆屬義號為卿子冠軍卿子尊之之辭冠軍者功冠諸軍之

上也○冠去聲

初楚懷王與諸將約先入定關中者王之王去聲是時秦兵

尚彊諸將莫利先入關獨項羽怨秦之殺項梁願與沛

公西諸將曰羽不可遣乃遣沛公伐秦

語見漢高滅楚○將並去聲

甲午三年冬十月宋義至安陽

在山東東昌府曹州東南

留四十六日不

進項羽勸義疾引兵渡河楚擊其外趙應其內破秦軍

必矣義曰今秦攻趙戰勝則兵罷

音疲

我乘其敝不勝則

我鼓行而西必舉秦矣因下令曰有猛如虎狼如羊貪

如狼彊不可使者皆斬之遣其子襄相齊

相去聲

送之無

鹽

今兗州府東平州東有無鹽城

飲酒高會天寒大雨士卒凍饑羽曰

今歲饑民貧卒食半菽

米菽相半也

將戮力攻秦乃飲酒高

會不引兵渡河與趙并力乃曰承其敝夫以秦之彊

音夫

扶攻新造之趙其勢必舉趙趙舉而秦彊何敝之承且

國兵新破王坐不安席掃境內而屬將軍國家安危在

此一舉今不恤士卒而徇其私非社稷臣也十一月羽

晨朝義

朝音潮

即其帳中斬之出令軍中曰宋義與齊謀

反王陰令籍誅之諸將莫敢枝梧

謂衆皆懼無敢枝梧營救也小柱曰枝邪

柱曰梧○將去聲下同

遣使報命懷王主以羽為上將軍鉅鹿兵

少食盡張耳數召陳餘

數音朔

餘不敢前耳又使張廡陳

澤讓之要與俱死

要約也死謂死戰也○廡么琰切要平聲

餘使二人將五

千人先嘗秦軍皆沒

嘗猶試也

羽乃悉引兵渡河沉船破釜

持三日糧以示士卒必死於是與秦軍遇九戰大破之

章邯引卻遂虜王離時諸侯軍救鉅鹿者十餘壁莫敢

縱兵及楚擊秦。皆從壁上觀。楚軍無不一當十。呼聲動天地。諸侯軍人人惴恐。既破秦軍。項羽召見諸侯將。皆膝行而前。莫敢仰視。項羽由是始為諸侯上將軍。諸侯兵皆屬焉。於是趙王歇張耳得出。耳責讓餘。問廩澤所在。疑餘殺之。餘怒。解印綬與耳。耳不受。餘起如廁。客有說耳者曰：「天與不取，反受其咎。」君急取之。耳乃佩其印綬，收其麾下。餘遂與數百人去之河上澤中漁獵。

春二月，沛公擊昌邑。在兗州府金鄉縣。彭越以兵從。越，昌邑人。漁

鉅野澤中。今兗州府鉅野縣。為羣盜。少年相聚百餘人，往從之。

請以為長。少去聲。長音掌。下同。越與期旦日出會。後期者斬。旦日

十餘人後至。越引最後者一人，令校長斬之。皆笑曰：「何

至是請後不敢。越竟斬之。設壇祭，令徒屬大驚。莫敢仰

視。遂收得千餘人，助沛公攻昌邑。未下，沛公引兵過高

陽。里名。在開封府杞縣。高陽人酈食其。酈音歷。食音異。其音箕。家貧，落魄。音託。

為里監門。其里有為沛公騎士者，食其謂曰：「諸侯將過

高陽者數十人，皆齷齪好苛禮自用。好去聲。下同。不能聽大

度之言。吾聞沛公慢而易人。易音異。多大略。此真吾所願

從遊。若見沛公，謂曰：「臣里中有酈生，年六十餘，長八尺，

人皆謂之狂生。生自謂我非狂生。」騎士曰：「沛公不好儒，

客儒冠來者，輒解而溺其中。未可以儒生說也。」好去聲。說音稅。

溺奴弔切生曰。第言之。騎士從容言之。從七恭切沛公至高陽傳

舍。使召生。生入。沛公方倨牀。使兩女子洗足而見生。生

長揖不拜。曰。足下必欲誅無道秦。不宜倨見長者。長音掌

於是沛公輟洗而起。延生上坐。問計。生曰。足下兵不滿

萬。欲以徑入彊秦。此所謂探虎口者也。夫陳留天下之

衝。今開封府陳留縣。○夫音扶又多積粟。臣善其令。請得使之。使去聲

令下足下。即不聽。舉兵攻之。臣為內應。乃遣生行。沛公

引兵隨之。遂下陳留。號生為廣野君。其弟商亦聚兵四

千人來屬沛公。

夏四月。沛公攻潁川。今開封府許州屠之。因張良遂略韓地。至南

陽。今河南南陽府南陽守齧降。戶江切引兵西。無不下者。所過毋

得擄掠。秦民皆喜。

秋七月。王離軍既沒。秦兵數却。數音朔二世使人讓章邯。邯

恐。使長史欣請事咸陽。長音掌留司馬門三日。宮垣內兵衛所在。四

面皆有司馬主武事趙高不見。欣恐。走還報曰。趙高用事於中。下

無可為者。今戰勝。高必嫉吾功。不勝。不免於死。願熟計

之。陳餘亦遺邯書曰。白起為秦將。去聲下同攻城略地。不可

勝計。勝音平聲賜死杜郵。在西安府咸陽縣蒙恬為秦將。北逐戎人。

開榆中地數千里。榆中。今陝西榆林以北竟斬陽周。見始皇三十七年何

者功多。秦不能盡封。因以法誅之。今趙高亦欲以法誅

者功多。秦不能盡封。因以法誅之。今趙高亦欲以法誅

者功多。秦不能盡封。因以法誅之。今趙高亦欲以法誅

者功多。秦不能盡封。因以法誅之。今趙高亦欲以法誅

將軍以塞責將軍居外久多內隙有功亦誅無功亦誅

何不與諸侯從謂合從也音蹤約分王其地王去聲孰與身伏斧

鑕乎邯狐疑項羽引兵擊秦軍大破之邯請降胡江切乃

與盟於洹水上在直隸大名府魏縣西立為雍王雍去聲置楚軍中

使欣將其軍為前行將去聲

初趙高欲專權恐羣臣不聽乃先設驗持鹿獻於二世曰

馬也二世笑曰丞相誤邪邪音鈺謂鹿為馬問左右或默

或言鹿高因陰中言鹿者以法中去聲後羣臣皆畏之莫

敢言其過八月沛公攻屠武關在西安府商州東高前言關東

盜無能為至是二世使責高高懼乃與其壻咸陽令閻

樂謀詐為有大賊召吏發卒使樂將之至望夷宮殿門

殺衛令衛士令士入射上幄坐幃二世怒召左右皆惶

擾不鬪樂前數二世曰數上聲足下驕恣誅殺無道天下

皆畔其自為計二世曰吾願得一郡為王弗許願為萬

戶侯弗許願與妻子為黔首黔音曰臣受命丞相為天下

誅足下為去聲足下雖多言臣不敢報麾其兵進二世自

殺高曰秦故王國始皇君天下故稱帝今六國復立宜

為王如故便乃立子嬰為秦王子嬰稱病不行高自往

請子嬰遂刺殺高夷其三族遣將將兵拒曉關在西安府藍田

縣○曉音堯沛公欲擊之張良曰秦兵尚彊未可輕乃

益張旗幟於山上為疑兵使酈食其陸賈說秦將說音

啗以利秦將果欲連和沛公欲許之良曰此獨其將欲

叛恐其士卒不從不如因其懈怠擊之沛公遂擊秦軍

大破之遂至藍田北又破之

乙未楚義帝心西楚霸王冬十月沛公至霸上在西安府城東

秦王子嬰素車白馬係頸以組奉皇帝璽符節降軹道

傍在西安府長安縣東○降戶江切

秦自始皇庚辰并天下至二世乙未凡一十六年

乙漢高祖十一年十二月詔秦始皇帝絕無後其與守冢

二十家復無預他事時并齊滑王趙悼襄魏安釐王信陵君楚隱王各予守冢通鑑失載

漢高滅楚

癸巳秦二世二年初楚懷王與諸將約將去聲先入定關

中者王之關中秦都今陝西西當是時秦兵彊諸將莫

利先入關獨項羽怨秦之殺項梁羽名籍下相人今江南淮安府邳州有下

相城梁羽從父奮願與沛公先入關沛公漢高祖初號諸將皆曰羽慄

悍猾賊所過無不殘滅不如更遣長者扶義而西長音

同秦父兄苦其主久矣誠得長者往無侵暴宜可下沛

公素寬大長者可遣懷王乃遣沛公西略地收陳勝項

梁散卒以伐秦陳勝項梁見秦并天下

乙未楚義帝心西楚霸王十月沛公至霸上在西安府東秦王

子嬰奉璽符節以降。胡江切諸將請誅之。沛公曰：始懷

王遣我，固以能寬容。且人已降，殺之不祥。乃以屬吏沛

公入咸陽，諸將爭取金帛財物。蕭何獨先入收丞相府

圖籍藏之。何，豐人。今江南徐州豐縣。以此得具知天下阨塞戶口多

少彊弱之處。沛公見秦宮室帷帳重貨婦女，欲留居之。

樊噲諫曰：噲，沛人。今徐州沛縣。凡此奢麗之物，皆秦所以亡也。公

何用焉？願急還霸上，不聽。還音旋。張良曰：字子房，韓人。

南開封府人物。秦為無道，故公得至此。夫為天下除殘賊，宜縞

素為資。夫音扶。今始入秦，即安其樂。音洛。此所謂助桀為虐

也。且忠言逆耳，利於行。去聲。毒藥苦口，利於病。願聽噲言。

乃還軍霸上，召父老謂曰：父老苦秦苛法久矣，諸侯約

先入關者王之。王去聲。吾當王關中，與父老約法三章

耳。殺人者死，傷人及盜抵罪。餘悉除去秦法，吏民安堵

如故。秦民大喜，爭持牛羊酒食饗軍。沛公又讓不受，民

益喜。惟恐沛公不為秦王。

項羽既定河北，率諸侯兵欲西入關。秦降卒多怨言，曰：章

將軍等詐吾屬降，諸侯今能入關破秦，大善。即不然，諸

侯虜吾屬而東，秦又盡誅吾父母妻子，奈何？諸侯微聞

其計，以告羽。羽計衆心不服，至關必危。乃夜擊阬秦卒

二十餘萬人新安城南。今河南河南府新安縣有楚阬遺蹟。而獨與章邯

及長史欣都尉翳入秦。三人皆秦將降楚見豪傑亡秦。○邯音酣長音掌

時或說沛公遣兵守函谷關。在河南府靈寶縣。○說音稅後同無納諸侯

軍沛公從之項羽至大怒攻破之進至戲。今西安府臨潼縣東新豐

城有戲亭饗士卒欲擊沛公時羽在鴻門。今臨潼縣東有鴻門坂沛公

在霸上范增說羽曰沛公居山東時貪財好色今入關

財物無所取婦女無所幸此其志不在小吾令人望其

氣皆為龍成五彩此天子氣也急擊勿失羽季父左尹

項伯。左尹楚官伯其字也名纏嘗殺人張良活之因素善張良夜馳

告之欲與俱去良曰臣為韓王送沛公今有急亡去不

義因固要伯入見沛公。要平聲沛公奉卮酒為壽約為婚

姻曰吾入關秋毫不敢有所近籍吏民封府庫而待將

軍所以守關者備他盜耳豈敢反乎願伯具言臣之不

敢倍德伯許諾曰旦日不可不蚤自來謝去具以告羽

且曰沛公不先破關中公豈敢入乎人有大功而擊之

不義不如因善遇之羽曰諾沛公旦日從百餘騎來見

羽鴻門謝曰臣與將軍戮力攻秦將軍戰河北臣戰河

南不自意先入關破秦得復見將軍於此今者有小人

之言令臣與將軍有隙羽曰此沛公司馬曹無傷言之

不然籍何以至此因留沛公飲范增數目羽。數音舉所

佩玉玦示之者三。示當決斷羽不應增出謂項莊曰。莊羽從弟君

王爲人不忍若入前爲壽壽畢請以劍舞因擊殺沛公

不者若屬皆爲所虜若汝也莊入爲壽畢拔劍起舞伯

亦拔劍舞常以身翼蔽沛公莊不得擊良出見樊噲曰

項莊拔劍舞其意常在沛公也噲曰此迫矣臣請入與

之同命卽帶劍擁盾直入瞋目視羽頭髮上指目眦盡

張羽曰壯士賜之卮酒一生彘肩噲立飲拔劍切而

嚼之羽曰壯士復能飲乎噲曰臣死且不避卮酒安足

辭夫秦有虎狼之心夫音扶天下皆叛懷王與諸將約將去

聲先入咸陽者王之王去聲今沛公先破秦入咸陽毫毛

不敢有所近還軍霸上以待將軍勞苦功高未有封爵

之賞而聽細人之說欲誅有功之人此亡秦之續耳竊

爲將軍不取也羽無以應須臾沛公起如廁因招噲出

將亡去曰今者出未辭也奈何噲曰今人方爲刀俎我

方爲魚肉何辭爲遂間行趨霸上間去聲留良謝羽因

以白璧一雙獻羽玉斗一雙與增羽受璧增拔劍撞破

玉斗曰唉豎子不足與謀奪將軍天下者必沛公也沛

公還軍立誅殺曹無傷居數日羽引兵西屠咸陽殺秦

降王子嬰燒秦宮室掘始皇塚收寶貨婦女而東秦民

大失望韓生說羽曰說音稅關中阻山帶河四塞之地四

有關可都以霸羽見秦宮室皆已燒殘又思東歸曰富貴

不歸故鄉如衣繡夜行耳衣去聲韓生退曰人言楚人沐

猴而冠果然羽聞之烹韓生

春正月項羽既入關使人致命懷王王曰如約如先入關者王之也

約也羽曰懷王者吾家所立非有功伐何以得專主約乃

陽尊懷王為義帝徙於江南都郴今湖廣永州府郴州

二月羽自立為西楚霸王王梁楚地九郡都彭城今徐州

字去聲羽與范增疑沛公業已講解又惡負約惡烏路切以巴

蜀道險乃曰巴蜀關中地也立沛公為漢王王巴蜀漢

中下王字去聲都南鄭今陝西漢中府立秦降將章邯為雍王都廢

丘即犬丘在西安府興平縣東南司馬欣為塞王都櫟陽在臨潼縣邯欣敗死於漢

董翳為翟王都高奴今陝西延安府鄜州東三分關中

以距塞漢路瑕丘申陽為河南王都洛陽今河南府後降漢司

馬印為殷王都朝歌今河南衛輝府淇縣後為漢所擒燕將臧荼為燕

王都薊今直隸順天府高張耳為常山王都襄國耳大

今開封府襄國黔布為九江王都六布姓英六人後歸

今直隸順德府吳芮為衡山王都邾芮鄱陽人今江西饒

南有六城義帝柱國共敖為臨江王都江陵今湖廣

廣黃州府東南芮後歸漢南徙燕王廣

○共韓王成為韓王都陽翟今開封府禹州徙燕王廣

為遼東王都無終今順天府玉田魏王豹為西魏王都

歇後為齊王市為膠東王都卽墨今山東萊州府卽墨縣而立齊

將田都為齊王都臨淄今山東青州府臨淄縣田安為濟北王都

博陽在兗州府東阿縣舊穀城

夏四月諸侯罷兵就國漢王以項羽負約怒欲攻之蕭何

諫曰能誦於一人之下而信於萬乘之上者湯武是也

信音伸臣願大王王漢中下王字養其民以致賢人收

用巴蜀還定三秦羽三分關中故曰三秦天下可圖也王曰善乃

就國以何為丞相去聲張良送至褒中今漢中府褒城縣王遣良

歸韓良因說王燒絕所過棧道以備諸侯盜兵且示羽

無東意明信陽何景明三秦志云秦蜀間有四道從褒鳳者今連雲棧也漢王之南鄭由之

六月齊相田榮以不肯將兵從楚不封榮齊王儋弟遂擊

走齊王都弒膠東王市自立為齊王尊擊殺濟北王安

并王三齊王去聲

秋七月項王以張良從漢王廢韓王成殺之良遂間行歸

漢間去聲良多病未嘗特將去聲嘗為畫策臣時時從漢王

初淮陰人韓信淮陰今江南淮安府家貧無行去聲不得推擇為吏又

不能治生商賈音古釣於城下有漂母見其饑而飯之飯

晚切信謂母曰吾必有以重報母母怒曰大丈夫不能自

食吾哀王孫而進食豈望報乎淮陰少年嘗眾辱之曰

若雖長大好帶刀劍中情怯耳少好能死刺我不能死

出我胯下。信熟視之，俛出胯下。市人皆笑為怯。

其後信為楚王。

召漂母，賜之千金。召辱已少年，使為中尉，告諸將曰：此壯士也。方辱我時，寧不能殺之邪？殺之無名，故忍而就

此。項梁渡淮，信仗劍從之。梁敗，復以策干羽，不用，亡歸

漢，為連敖。楚官名。司馬也。坐法當斬，信仰視，適見滕公，曰：上不

欲就天下乎？何為斬壯士？滕公奇其言，壯其貌，釋不斬。

與語，悅之。滕公，汝陰侯夏侯嬰也。沛人。時為滕令，故曰滕公。言於王，王以為治

粟都尉，亦未之奇也。信數與蕭何語。數音朔。下同。何奇之，王

至南鄭，將士皆思歸，多道亡者。亡，逃也。信度何等已數言

度音王不我用，即亡去。何聞信亡，追之，人言於王曰：丞

相何亡，王怒，如失左右手。居一二日，何來謁王，王且怒

且喜，罵曰：若亡何也？曰：臣追亡者耳。王曰：追者誰？何曰：

韓信。王曰：諸將亡者以十數，公無所追，追信詐也。何曰：

諸將易得耳。將易並去聲。如信，國士無雙，王欲長王漢中。下

字去聲。無所事信，必欲爭天下，非信無可與計事者。顧王

策安決耳。王曰：我亦欲東耳，安能鬱鬱久居此乎？何曰：

計必東，能用信，信留，不能用，信終亡耳。王曰：我為公以

為大將，欲召信拜之，何曰：王素慢無禮，今拜大將，如呼

小兒，此信之所以去也。請擇日，設壇具禮，乃可耳。王許

之，諸將皆喜，人人自以為得大將。以上將並去聲。至拜，乃信也。

一軍皆驚，禮畢，上坐。王曰：丞相數言將軍，將軍何以教

寡人乎。信曰：項王喑啞叱咤。喑啞懷怒氣。叱咤發怒聲。千人自廢也。伏

然不能任屬賢將。去聲下同。此匹夫之勇耳。見人慈愛言語

煦煦。和好貌。至人有功當封爵者，印刻敝，忍不能與。此婦

人之仁也。不居關中而都彭城，背約而以親愛王諸侯

背音倍。王去聲。逐義帝置江南，所過無不殘滅，名雖為霸，實失

天下心。大王誠能反其道，任天下武勇，何所不誅，以天

下城邑封功臣，何所不服，以義兵從，思東歸之士，何所

不散。敵無不敗散也。且三秦王將秦子弟數歲，所殺亡不可勝

計，又欺其眾，降諸侯。勝平聲降。戶江切。及項王坑秦卒，惟此三

人得脫，秦父兄怨之，痛入骨髓，而楚彊以威王之。王去聲。

大王入關，秋毫無所害，除秦苛法，秦民無不欲得大王

王秦者。下王字。去聲。今大王舉而東，三秦可傳檄而定也。漢

王大喜，自以為得信，晚遂部署諸將，留何收巴蜀租，給

軍糧食，引兵從故道出，章邯戰敗，塞王欣翟王翳皆降。

遂定三秦。張良遺項王書曰：漢王失職，欲得關中，如約

即止，不敢東。又以齊梁反書遺之。項王以故無西意，而

北擊齊，立鄭昌為韓王，以距漢。故道，漢縣名，在漢中府鳳縣。鄭昌以明年降漢。

沛人王陵以兵屬漢。項王取陵母置軍中。陵使至。使去聲。下同。

則東嚮坐，陵母欲以招陵。陵母私送使者，泣曰：願為妾

語陵。為語並。去聲。善事漢王。王長者。長上聲。終得天下，毋以妾

故持二心遂伏劍死

丙申

西楚二年
漢二年

冬十月西楚霸王項籍使吳芮黥布共敖

擊弑義帝於江中

初陳餘棄將印去不從入關故不封

將去聲
下同

或謂羽曰張

耳陳餘一體有功於趙今耳為王餘不可以不封羽不

得已封之三縣餘怒使人說齊王榮曰

說音
稅

項羽為天

下宰不平盡王諸將善地

王去
聲

徙故王於醜地願大王

資餘兵擊常山復趙王齊王許之共襲常山

張耳所都
襄國也今

順德耳亡走漢餘迎代王歇復王趙歇立餘為代王

十一月漢立韓王孫信為韓王

漢王還都櫟陽

即塞王
欣地

春正月齊王榮與楚戰敗走死項王復立田假為王

二月漢復蜀漢民租二歲關中卒從軍者復家一歲

免其
徭役

陽武人陳平家貧好讀書

陽武今開封府陽武縣平生
於戶牖鄉在開封府蘭陽縣

里

中社平為宰分肉食甚均父老曰善陳孺子之為宰平

曰使平得宰天下亦如是肉矣初事項羽拜為都尉後

歸漢因魏無知求見王與語悅之問居楚何官曰為都

尉即拜都尉

都尉軍中
諸部長官

使驂乘

去
聲

典護軍諸將皆謹服

也將去
聲下同

王益厚平周勃等言於王曰

勃沛
人

平雖美如冠

玉飾冠以玉
光好外見其中未必有也平居家時盜其嫂今為護

軍多受諸將金願王察之王讓無知無知曰臣所言者

能也。陛下所問者行也。今有尾生孝己之行。

尾生古之信士。與女

子期於梁下。女子不來。水至抱柱而死。或云即微生高。孝己商高宗之子。以孝著聞。

○行並去聲。而無

益於勝負之數。王何暇用之乎。楚漢相距。臣進奇謀之

士。顧其計足以利國家事耳。盜嫂受金。何足疑乎。王召

讓平。平曰。臣聞漢王能用人。故來歸。然裸身來。不受金。

無以為資。誠臣計畫有可采者。願大王用之。使無可用

者。金具在。請封輸官。得乞骸骨。王乃謝平。拜護軍中尉。

中尉。秦官。掌徼循京師者。時蓋蒙以護軍之號。盡護諸將。諸將乃不敢復言。

漢王至洛陽。新城三老董公遮說曰。

秦法十里一亭。亭有長。十亭一鄉。鄉有三

老。新城在河南府洛陽縣。

○說音說。順德者昌。逆德者亡。兵出無名。事故

不成。故曰。名其為賊。敵乃可服。項羽無道。放弑其主。天

下之賊也。大王宜率三軍為之素服。以告諸侯而伐之。

此三王之舉也。於是漢王為義帝發喪。

為去聲。

軍皆編素。

告諸侯曰。天下共立義帝。今項羽弑之。大逆無道。寡人

悉發關中兵。收三河士。南浮江漢以下。

三河。河南。河東。河內也。浮。江漢

從漢中府歷漢水而東也。

願從諸侯王擊楚之弑義帝者。使者至趙。

使去聲。

陳餘曰。漢殺張耳。乃從。漢王求人類張耳者。斬之。

以遺陳餘。餘乃發兵助漢。

夏四月。田榮弟田橫收散卒。得數萬人。立榮子廣為齊王。

以距楚。項王因留。連戰未能下。五月。漢王率五諸侯兵。

伐楚

史記正義云五諸侯張耳申陽鄭昌魏豹司馬卬

昌邑人彭越字仲收魏地

得十餘城

昌邑在兗州府金鄉縣

將兵三萬人歸漢漢王以為魏

相國將其兵略梁地

相將並去聲

遂入彭城收其貨寶美人

日置酒高會項王聞之自以精兵三萬還擊破漢軍睢

水上死者二十餘萬水為不流

睢水在徐州南

圍漢王三匝會

大風晝晦楚軍大亂王乃得與數十騎遁去欲過沛收

家室道逢子盈

即惠帝

及女

魯元公主

載以行楚騎追之漢王

急推墮二子車下

推他回切

滕公為太僕常下收載之如是

者三卒保護脫二子太公呂后間行求漢王

間去聲

為楚

軍所獲項王嘗置軍中為質

音致

於是諸侯皆背漢與楚

背音佩

塞王欣翟王翳亡降楚

田橫進攻田假假走楚楚殺之橫復定三齊之地

初項羽擊齊徵兵九江黥布稱疾遣將將數千人往及漢

入彭城布又不佐楚羽怨之至是漢王問羣臣曰吾欲

捐關以東誰可與其功者張良曰九江王布楚梟將也

與項王有隙彭越與齊反梁地此兩人可急使而漢將

獨韓信可屬大事當一面

以上將並去聲

捐之此三人則楚可

破也王謂左右曰孰能為我使九江

為使並去聲

令發兵倍

楚留項王數月我取天下可以萬全隨何請使王遣之

漢王至滎陽

今開封府滎陽縣

諸敗軍皆會蕭何亦發關中老弱

未傅者悉詣滎陽

古男子二十而傅三年耕有一年之蓄故二十三歲而後役之漢復

大振擊破楚於滎陽東楚不能西漢軍滎陽築甬道屬

之河

恐敵抄掠輜重夾道築垣墻為甬道屬之與河連也

以取敖倉粟

倉在開封府河陰縣

漢王還櫟陽立子盈為太子遣兵盡定雍地雍王郢自殺

秋八月漢王如滎陽命蕭何守關中為法令約束立宗廟

社稷何計戶口轉漕調兵以給軍未嘗乏絕

調去聲

魏王豹叛漢漢使酈食其說之

食其高陽人今開封府杞縣○酈音歷食其音異箕

不聽王問食其魏大將為誰曰柏直曰是口尚乳臭安

能當韓信騎將誰也曰馮敬曰雖賢不能當灌嬰

睢陽人今

河南歸德府

步卒將誰也曰項它曰不能當曹參時韓信東

擊魏魏盛兵塞臨晉

今縣屬平陽府

信為疑兵陳船欲渡臨晉

而伏兵從夏陽

在西安府韓城縣北臨晉上流

以木罌渡軍襲安邑

今縣

屬平陽府

虜豹傳詣滎陽悉定魏地信請兵三萬北舉燕趙

東擊齊南絕楚糧道與漢王會滎陽漢王使張耳與俱

丁酉

西楚三年漢三年

冬十月韓信張耳擊趙趙王及成安君聞

之聚兵井陘口

在太原府平定州東百里

號二十萬廣武君李左車

曰韓信張耳乘勝遠鬪其鋒不可當臣聞千里餽糧士

有饑色樵蘇後爨

樵取薪也蘇取草也

師不宿飽今井陘之道車

不得方軌騎不得成列糧食必在後願假臣奇兵三萬

從間道絕其輜重

間去聲後同

足下深溝高壘勿與戰不十

日而兩將之頭可致麾下。否則必為二子所擒矣。餘嘗自稱義兵，不用詐謀奇計，不用左車策。信間視知之，大喜，乃引兵下，未至井陘口三十里，止舍。夜選輕騎二千，人持一赤幟，從間道望趙軍，誡曰：「趙見我走，必空壁逐我。若疾入趙壁，若汝也拔趙幟，立漢赤幟，令裨將傳餐，小食。」曰餐，傳餐也。立食也。曰：「今日破趙會食。」諸將皆佯應曰：「諾。」乃使萬人先行，出背水陣。趙軍望見，大笑。信引兵鼓行出井陘口。趙開壁擊之，大戰良久。信佯走水上軍。趙果空壁逐之。水上軍皆殊死戰，不可敗。信所遣騎馳入趙壁，拔趙幟，立漢幟。趙軍歸壁，見幟大驚，遂亂遁走。漢兵夾擊，大

破之，斬陳餘於泜水上。

在真定府臨城縣西北三十里。○泜音遲。

擒趙王歇。

諸將畢賀。

以上將並去聲。

因問曰：「兵法右倍山林，前左水澤，今

背水而勝，何也？」信曰：「兵法不曰陷之死地而後生置之亡地而後存乎？且信非得素拊循士大夫也，所謂驅市人而戰之，非置死地，使人自為戰，彼將皆走。」將如字寧得

而用之乎？諸將皆服。

將去聲。

信募生得廣武君者，與千金。

有縛致麾下者。信解其縛，東嚮坐師事之。問曰：「僕欲北攻燕，東伐齊，何若而有功？」左車曰：「臣敗亡之虜，何足以權大事？」信曰：「百里奚居虞而虞亡，之秦而秦霸，用與不用耳。向使成安君聽足下計，僕已為禽矣。今願委心歸

計足下勿辭。左車曰：將軍虜魏王豹，誅成安君，威震天下。然欲舉倦敝之兵，頓之燕堅城之下，欲戰不得，攻之不拔，曠日持久，糧食殫竭，燕既不服，齊必距境自彊，善用兵者不以短擊長，而以長擊短。將軍莫若按甲休兵，北首燕路，首，向也。遣辯士奉書於燕，燕必不敢不聽從。燕從而東臨齊，雖有智者不能為齊計矣。兵固有先聲而後實者，此之謂也。信從其策，燕從風而靡。遣使報漢，請以張耳王趙，漢王許之。使王並去聲。

十二月，漢使謁者隨何至九江。

謁者，主賓贊受事。漢秩六百石。

說黥布曰：

說音稅。竊怪大王與楚俱為諸侯，而北嚮臣事之者，必以

楚為彊，可託國也。項王伐齊，身負版築，大王宜悉眾自將，去聲。為楚前鋒，乃發四千人助楚。漢入彭城，大王宜悉兵渡淮，日夜會戰彭城下，乃無一人渡淮者，垂拱而觀。

其孰勝，託國於人者，固若是乎？大王提空名以向楚，而欲厚自託，竊為大王不取也。然大王不倍楚者，以漢為弱也。夫楚雖彊，天下負之以不義之名，夫音扶。今漢王收

諸侯，守滎陽，下蜀漢之粟，堅守而不動，楚人深入敵國，老弱轉糧，進不得攻，退不能解，楚不如漢，其勢易見矣。

易去聲。大王何不與萬全之漢，而自託於危亡之楚乎？布陰許之。楚使者在傳舍，使去聲，下同。方責布發兵，何直入曰：

九江王已歸漢楚何以得發兵因說布殺楚使而攻楚

楚擊破之布乃間行與何歸漢間去聲布至漢王方踞牀

洗足召布入見布悔怒欲自殺及出就舍帳御飲食從

官皆如漢王宮從去聲布又大喜過望漢益其兵與俱屯

成臯在開封府汜水縣

楚數侵奪漢甬道數音朔漢軍乏食漢王與酈食其謀撓楚

權食其曰秦伐諸侯滅其社稷大王誠能立六國後其

君臣百姓必皆戴德慕義願為臣妾楚必斂衽而朝音潮

王曰善趣刻印趣音促下同先生因行佩之矣食其未行張

良來謁漢王方食具以告良良曰臣請借前箸為大王

籌之為去聲昔湯武封桀紂之後者度能制其死生之命

也度音鐸今大王能制項籍之死命乎武王入殷發粟散

錢偃革為軒休馬放牛示不復用大王能之乎且天下

遊士離親戚棄墳墓從大王遊者徒欲望咫尺之地今

復立六國後遊士各歸事其主大王誰與取天下乎誠

用客謀大事去矣王輟食吐哺罵曰豎儒幾敗乃公事

令趣銷印乃公漢王自謂也

夏四月漢王謂陳平曰天下紛紛何時定乎平曰項王骨

鯁之臣亞父鍾離昧龍且之屬父音甫下同且音苴不過數人耳

項王意思信讒誠能捐金行間以疑其心間去聲後同破楚

必矣。王乃出黃金四萬斤與平，不問出入。平多縱反間。

言昧等功多，不得裂地。而王欲與漢滅楚而分其地。羽

果疑昧等及楚圍滎陽急。漢王請和。羽使使至漢。下使字去

聲平使為太牢具，舉進。而佯驚曰：「吾以為亞父使也。」乃

持去，更以惡草具進，使歸以報。使去聲羽果大疑亞父。亞

父欲急攻下滎陽，羽不聽。亞父怒曰：「天下事大定矣，君

王自為之，願請骸骨歸。」未至彭城，疽發背死。今徐州南有范增墓

五月，楚圍滎陽益急。漢將軍紀信曰：信，陝西鞏昌府秦州人。事急矣。

臣請誑楚，乃乘王車出東門，曰：「食盡，漢王降楚。」降胡江切楚

皆之城東觀。王乃令周苛守滎陽，而與數十騎出西門。

遁去。羽燒殺信。王至成臯，收兵欲復東。轅生曰：「願王出

武關。在西安府商州東羽必南走。王深壁，勿與戰。令滎陽成臯

間且得休息。韓信等亦得安輯趙地。連燕齊王，乃復還

滎陽。則楚備多而力分。復與之戰，破之。必矣。王從之。出

軍宛葉間。今河南南陽府與黥布行收兵。羽果引兵南。王不與

戰。彭越為漢遊兵擊楚，羽還擊之。王復軍成臯。

六月，項羽已破彭越，還拔滎陽烹周苛，遂圍成臯。漢王逃

去北渡河，宿小修武。在河南懷慶府修武縣東晨自稱漢使，去聲馳入

趙壁。張耳韓信未起，即臥內奪其印符，以麾召諸將。去聲

易置之。信耳起，乃知漢王來，大驚。王令耳守趙，拜信為

相國相去聲收趙兵未發者擊齊時漢王得信軍復大振

乃使劉賈盧縮渡白馬津賈高帝從父兄縮沛人白馬津在直隸大名府濬縣佐

彭越燒楚積貯以破其業越下梁地十七城時楚兵拔

成臯欲西漢使兵距之鞏今河南府鞏縣今不得西

八月項羽聞越下梁地使曹咎守成臯戒曰卽漢欲戰慎

勿與戰勿令得東而已遂自引兵東擊越所下城圍外

黃今開封府杞縣東北有外黃城數日乃降胡江切下同羽欲盡阬之外黃

令舍人兒年十三說羽曰彭越強劫外黃外黃恐故且

降以待大王今盡阬之從此以東十餘城莫可下矣羽

從之所下城皆復爲楚漢王欲捐成臯以東屯鞏洛以

距楚鞏見上洛今洛陽縣並屬河南府酈生曰知天之天者王事可成

王者以民爲天民以食爲天夫敖倉天下轉輸久矣夫音夫

扶藏粟甚多楚拔滎陽不堅守敖倉乃引而東此天所

以資漢也願急進取滎陽據敖倉之粟塞成臯之險以

示諸侯形勢則天下知所歸矣乃復謀取敖倉

酈食其說漢王曰說音稅後同今燕趙已定惟齊未下諸田宗

彊近楚多詐雖遣數萬之師未易以歲月破也易去聲臣

請奉明詔說齊王使爲東藩王曰善乃使生說齊齊王

與漢平先是遣屯歷下兵今山東濟南府以備韓信者皆罷之

日與生縱酒爲樂音洛韓信引兵東聞之欲止辯士蒯徹

說信曰徹字通范陽人今順天府涿州將軍受詔擊齊而漢獨發間使

下之間使並去聲寧有詔止將軍乎何以得毋行也且酈生

一士伏軾掉三寸之舌下齊七十餘城將軍以數萬眾

歲餘乃下趙五十餘城為將數歲將去聲反不如一豎儒

之功乎信然之遂襲破齊齊王以生為賣已烹之引兵

走高密今萊州府高密縣

戊戌西楚四年漢四年冬十月楚大司馬咎守成臯謹守弗戰漢

軍數挑之終不出數音朔乃使人辱之數日咎怒渡兵汜

水在汜水縣西士卒半渡漢擊之大破楚軍盡得其寶貨咎

及司馬欣自殺漢王引兵渡河復取成臯軍廣武就敖

倉食羽聞之還軍廣武在河陰縣北還音旋相守數月楚軍食少

羽為高俎置太公其上告漢王曰今不急下吾烹太公

王曰吾與若俱北面受命懷王約為兄弟吾翁即若翁

必欲烹而翁幸分我一杯羹羽怒欲殺之項伯曰為天

下者不顧家為去聲殺之無益祇益禍耳羽謂王曰天下

恟恟數歲徒以吾兩人願與王挑戰決雌雄毋徒苦天

下父子為也王曰吾寧鬪智不能鬪力因數之曰數上聲

羽負約王去聲我蜀漢罪一矯殺卿子冠軍罪二救趙

不報而擅劫諸侯入關罪三燒秦宮室掘始皇塚私其

財罪四殺秦降王子嬰罪五降戶切詐阬秦子弟新安二

十萬罪六。王諸將善地。王將並去聲而徙逐故王罪七。出逐

義帝自都彭城奪韓梁地罪八。使人陰殺義帝江南罪

九。為政不平。主約不信。罪十。我以義兵從諸侯。王誅殘

賊。何乃與公挑戰。羽怒。伏弩射漢王。傷胸。王捫足曰。虜

中吾指。中去聲因病創臥。張良請王強起。勞軍從之。強上聲

去聲因馳入成臯。

韓信已定臨淄。齊都遂東追齊王。楚使龍且將兵號二十萬

以救齊。且音直下同或曰。漢兵遠鬪窮戰。其鋒不可當。齊楚

自居其地。勢易敗散。易去聲下同不如深壁。令齊王使信臣

招所亡城。亡城聞王在。楚來救。必反漢。漢客兵無所得

食。可不戰降也。降戶江切且曰。吾知韓信易與耳。寄食於漂

母。無資身之策。受辱於跨下。無兼人之勇。不足畏也。進

攻之。夾濰水而陣。濰水出青州府莒州信夜令人囊沙壅水上流。

旦渡擊且。佯敗走龍且。喜曰。吾固知信怯也。遂追之。信

使人決壅囊。水大至。且軍大半不得渡。急擊斬且。虜齊

王廣田橫。自立為王。漢將灌嬰擊走之。盡定齊地。信請

為假王以鎮之。漢因立信為齊王。張耳為趙王。徵其兵

擊楚。語見諸將之叛漢王下令。軍士死者。吏為棺斂。送其家。

項羽自知少助。食盡。韓信又進兵擊之。漢遣侯公說羽請

太公。說音稅後同羽乃與漢約。中分天下。鴻溝以西為漢。鴻溝

在河陰縣東以東為楚遂歸太公呂后羽引兵東歸漢王欲

西歸張良陳平說曰漢有天下大半楚兵饑疲今釋勿擊此養虎自遺患也漢王從之

是歲漢初為算賦民年十五以上至五十六出賦錢人百二十為一算以治庫兵車馬

己亥五年冬十月漢王追羽至固陵在開封府陳州西北韓信彭越期

會不至王謂張良曰諸侯不從奈何對曰楚兵且破二人未有分地其不至固宜今能捐楚梁地以許兩人使

各自為戰則楚易破也易去聲王從之於是信越皆引兵

來羽至垓下在鳳陽府虹縣西兵少食盡與漢戰不勝入壁漢

及諸侯兵圍之數重平聲羽夜聞漢軍四面皆楚歌大驚

曰漢皆已得楚乎是何楚人之多也起飲帳中有美人

名虞常幸駿馬名騅常騎乃悲歌慷慨自為詩曰力拔

山兮氣蓋世時不利兮騅不逝騅不逝兮可奈何虞兮

虞兮奈若何泣數行下行音杭左右皆泣莫敢仰視羽乃

乘其駿馬從八百餘騎直夜潰圍南出馳至陰陵山名在江

南和州北迷失道問一田父音甫田父給曰左左乃陷大澤中

給詭說也音貽漢騎將灌嬰追及之至東城在鳳陽府定遠縣將去聲下同

乃有二十八騎漢追者數千人羽謂其騎曰吾起兵八

歲七十餘戰未嘗敗北今卒困此此天亡我非戰之罪

也今日固決死願為諸君決戰必潰圍斬將令諸君知

之乃分其騎為四隊四嚮漢軍圍之數重平羽大呼馳

下斬漢一將一都尉殺數十百人復聚其騎亡其兩騎

耳羽曰何如諸騎皆伏羽欲東渡烏江在和州北亭長檣舟

待曰檣附船着岸也○長音掌江東雖小亦足以王去聲願大王急渡

羽曰籍與江東子弟八千人渡江而西今無一人還音旋

縱江東父兄憐而王我主去聲我獨不愧於心乎乃刎而

死楚地悉定獨魯不下王欲屠之至城下猶聞絃誦之

聲為其守禮義之國為主死節二為字並去聲因持羽頭示之

乃降戶江切以魯公禮葬羽於穀城在東阿縣親為發喪哭之

而去項氏枝屬皆不誅封項伯等為列侯賜姓劉氏

王還至定陶馳入齊王信壁奪其軍定陶今縣屬兗州府○還音旋

二月漢王即皇帝位於汜水之陽今兗州府曹州西南西有受命壇○汜音泛

都洛陽追尊先媼曰昭靈夫人史記高祖本紀母劉媪嘗息大澤之陂夢與神

遇是夕雷電太公往視見蛟龍於其上遂產高祖○媼音襖

立故粵王無諸為閩粵王閩春秋七閩地戰國越人所居故稱閩越秦立閩郡及漢興師

越人佐漢有功復立無諸為閩粵王王閩中故地都冶今福建福州府侯官縣

五月帝置酒洛陽南宮問諸將曰將去聲吾所以有天下項

氏所以失天下者何高起王陵對曰高起漢書註曰陸時有都武侯起陛

下使人攻城略地因以與之與天下同其利項羽妬賢

嫉能有功者害之賢者疑之此其所以失天下也帝曰

公知其一。未知其二。夫運籌幃幄之中。夫音扶決勝千里

之外。吾不如子房。鎮國家。撫百姓。給餽餉。不絕糧道。吾

不如蕭何。連百萬之衆。戰必勝。攻必取。吾不如韓信。三

者皆人傑。吾能用之。此所以取天下者也。項羽有一范

增而不能用。此所以爲我禽也。羣臣悅服。

齊田橫聞項羽滅。與其徒屬五百餘人。入居海島中。今萊州府

卽墨縣西北。帝恐其爲亂。赦橫罪。召之曰。橫來。大者王。

小者侯。不來。且舉兵加誅。橫乃與二客乘傳詣洛陽。今傳

之驛也。有木符長尺五寸。封以御史印章。每驛以爲信。至尸鄉廐置。

尸鄉在河南府城西廐置。置馬以傳驛處。謂其客曰。橫始與漢王俱南面稱孤。今漢王爲

天子。而橫乃爲亡虜北面事之。其恥固已甚矣。且吾烹

人之兄。與其弟比肩而事主。謂酈食其弟酈商也。縱彼不動。我獨

不愧於心乎。遂自剄。令客奉其頭。從使者馳奏之。帝以

王禮葬之。拜其二客爲都尉。二客自刎。餘五百人在島

中者聞之。亦皆自殺。

初楚人季布爲項籍將。去聲下同數窘辱帝。數音朔籍滅。帝購求

布千金。敢有舍匿。舍縱也。上聲罪三族。布乃髡鉗爲奴。髡剃去髮

也。鉗以鐵束頸也。自賣於魯朱家。兗州府人朱家心知其季布也。之

洛陽。見滕公曰。滕公夏侯嬰也季布何罪。臣各爲其主用。職耳。

言臣職當然。今上始得天下。而以私怨求一人。何示天

下不廣也。且以布之賢，漢求之急，此不北走胡，南走越

耳。夫忌壯士以資敵國。扶夫音此伍子胥所以鞭荆平之

墓也。滕公言於帝，乃赦布，召拜郎中。布弟丁公亦為羽

將，嘗逐窘帝彭城西。短兵接。刀劍為短兵，蓋追近矣。今徐州蕭縣東南丁公山，即

短兵帝急顧曰：兩賢豈相厄哉？丁公乃還。旋音至是來謁

帝，以徇軍中曰：丁公為項王臣，不忠，使項王失天下，遂

斬之。曰：使後世為人臣無效，丁公也。

齊人婁敬戍隴西。敬一統志入青州府人。物隴西今陝西臨洮府。過洛陽求見帝。

曰：陛下都洛陽，豈欲與周室比隆哉？帝曰：然。敬曰：洛邑

天下之中，有德易以王，無德易以亡。易並去聲秦地被山帶

河，四塞以為固，卒然有急，卒音百萬之眾可具。此搃天

下之亢而拊其背也。亢咽喉也帝問張良，良曰：洛陽四面受

敵，非用武之國也。關中左殽函。殽關在永寧縣，函谷關在靈寶縣，並屬河南府。

右隴蜀。隴關在陝西鳳翔府。隴州蜀在陝西西南。沃野千里，阻三面而守，獨

以一面東制諸侯，此所謂金城千里，天府之國。財物所聚曰府。

天府謂天所造也。敬說是也。帝即日西都長安。今西安府。拜敬郎中。

號奉春君，賜姓劉氏。郎中秩比三百石。

張良素多病，從帝入關，即道引不食穀。道氣令其和。引體令其柔。曰：家

世相韓。相去聲及韓滅，不愛萬金之資，為韓報讎。今以三

寸舌為帝者師，封萬戶侯。此布衣之極，於良足矣。願棄

人間事從赤松子遊耳。按良封留侯在明年此語當在六年以後今從通鑑所書

庚子六年冬帝偽遊雲夢執楚王韓信赦為淮陰侯。詳見諸將之叛

十二月始封功臣鄼侯蕭何食邑獨多。今湖廣襄陽府光化縣有鄼城功

臣皆曰臣等被堅執銳被音披多者百餘戰少者數十合

蕭何未嘗有汗馬之勞徒持文墨議論顧居臣等上何

也帝曰諸君知獵乎追殺獸兔者狗也發縱指示者人

也。縱作蹤發其蹤跡指而示之也諸君徒能得走獸耳功狗也蕭何發

縱指示功人也羣臣皆莫敢言張良亦無戰鬪功帝使

自擇齊三萬戶良曰臣始與上會留此天以臣授陛下

臣願封留足矣不敢當三萬戶乃封良為留侯。今徐州北有留

城封陳平為戶牖侯。今開封府蘭陽縣平曰非魏無知臣安得

進帝曰子可謂不背本矣乃賞無知。背音倍

春正月帝懲秦孤立而亡大封同姓以鎮撫天下分楚地

為二國立仲兄賈為荆王弟交為楚王立微時外婦之

子肥為齊王。後賈為淮南王布所殺更以荆為吳封其子濞為吳王

以曹參為齊相國。相去聲參聞膠西有蓋公。膠西在萊州府膠州○蓋葛合

切善治黃老言使人請之蓋公為言治道貴清靜而民

自定參乃避正堂以舍之用其言齊國大治

帝已封大功臣二十餘人其餘爭功不決帝在洛陽南宮

望見諸將去聲坐沙中偶語帝曰此何語留侯曰陛下以

此屬取天下今所封皆故人所誅皆讎怨故相聚謀反

耳帝曰奈何留侯曰上平生所憎羣臣所共知誰最甚

者帝曰雍齒數窘辱我數音朔欲殺之為其功多故不忍

為去聲留侯曰今急先封雍齒則羣臣人人自安矣乃封

雍齒為什方侯今四川成都府什方縣而急趣丞相御史定封趣音

促相去聲羣臣皆喜曰雍齒且侯我屬無患矣

詔定元功十八人位次鄼侯蕭何今徐州豐縣人平陽侯曹參絳侯周勃舞陽侯樊噲汝陰

侯夏侯嬰安國侯王陵汾陰侯周昌並今徐州沛縣人宣平侯張敖本今河南開封府祥符縣人曲周侯酈商

今開封府杞縣人穎陰侯灌嬰今河南歸德府商丘縣人魯侯奚涓廣平侯薛歐並以舍人從入關清河侯王

吸信武侯靳歙以中涓從入關陽陵侯傅寬以魏將陽都侯丁復以越將曲成侯燕達以西城戶將棘蒲侯陳

武以將軍並從入關皆曰曹參功第一關內侯鄂千秋進曰曹參

雖有野戰略地之功此特一時之事耳上與楚相距失

軍亡衆跳身遁者數矣跳身輕身也○跳音調數音朔下同蕭何嘗從關

中遣軍補其處又軍無見糧見音現何轉漕關中給食不

乏陛下雖數亡山東何常全關中以待陛下此萬世之

功也何第一參次之乃賜何劔履上殿入朝不趨朝音潮後

並帝曰吾聞進賢受上賞封千秋為安平侯

帝歸櫟陽

夏五月帝五日一朝太公家令言於太公曰皇帝雖子人

主也太公雖父人臣也奈何令主拜臣使威重不行乎

後上朝太公

音潮

太公擁篲迎門卻行

擁持也。篲，掃竹也。卻，退也。卻行

之也。恐塵及

帝驚下扶太公。太公曰：帝人主，奈何以我亂天

下法，乃尊太公為太上皇，賜家令金五百斤。

時帝悉去秦苛儀法，為簡易。去聲羣臣飲酒爭功，醉或妄

呼拔劍擊柱，帝益厭之。叔孫通說帝曰：

通，薛人，今兗州府滕縣有薛城。

儒者難與進取，可與守成。臣願徵魯諸生，共起朝儀。

音朝

帝曰：可試為之，令易知，度吾所能行者為之。

度音於

是通使徵魯諸生三十餘人，有兩生不肯行，曰：天下初

定，死者未葬，傷者未起，又欲起禮樂，禮樂所由起，積德

百年而後可興也。通笑曰：鄙儒不知時變，遂與所徵及

帝左右與其子弟百餘人為綿蕞。

綿，設置綿索為習肄處。蕞，剪茅植地為尊

卑之次。○蕞，子劣切。

野外習之，月餘，言於帝曰：可試觀矣。帝使行

禮，曰：吾能為此，乃令羣臣習肄。

秋匈奴寇邊，韓王信叛，與連兵，帝討之，困於平城。

在山西大同府

城，用陳平計得解。詳匈奴和親

更封平為曲逆侯。

曲逆，今直隸保定府

完，平常從征伐，凡六出奇計。

捐金行反間。一，惡草，具進楚使。二，夜出女子，解滎陽

圍。三，躡足封韓信。四，偽遊雲夢。五，解平城圍。六，

辛丑 七年冬十月，長樂宮成，諸侯羣臣朝賀。

樂音洛，朝音潮，下同。

先平

明謁者以次引入殿門，陳東西嚮，衛官夾陛，及羅立廷

中，皆執張旗幟。於是皇帝傳警出房，引諸侯王以下至

吏六百石。以次奉賀。莫不震恐肅敬。禮畢。置法酒。坐者俯抑首。以次起。上壽。觴九行。謁者奏罷酒。御史執法。舉不如儀者。輒引去。竟朝罷酒。無敢諠譁失禮。帝曰。吾乃今日知為皇帝之貴也。拜叔孫通為太常。漢初官多因秦之舊。時有奉常。無太常。景帝時乃改。太常。史漢皆因時所稱耳。初。秦采六國禮。擇其尊君抑臣者存之。及通制禮。大抵皆襲秦故。

春二月。帝討韓王信還。旋音見蕭何治未央宮壯麗甚怒曰。天下匈匈數歲。成敗未可知。何治宮室過度也。何曰。天下未定。故可因以就宮室。且天子以四海為家。非壯麗無以重威。且無令後世有以加也。上悅。遂自櫟陽徙都之。

令民產子者復勿事二歲。免其徭役。

癸卯九年冬十一月。劉敬言關中北近匈奴。東有彊族。願徙

六國後。及豪傑名家。居關中。無事可以備胡。有變率以

東伐。此彊本弱末之術也。於是徙昭屈景懷田氏。昭屈景楚

三大姓。懷田。齊二大族。及豪傑於關中。凡十餘萬口。與利田宅。凡

十餘萬。

夏六月。以蕭何為相國。相去聲。

甲辰十年夏五月。太上皇崩。令諸侯王皆立廟於國都。

秋九月。代相國陳豨反。帝自將討之。事詳諸將之叛。豨宛胸人。今兗州府曹州

通鑑本末紀要 卷六
有冤句城是。○將去
聲宛胸讀若冤劬

乙巳十一年春正月殺淮陰侯韓信夷三族
立子恒為代王後為文帝二月詔郡國求遺賢

三月梁王彭越反夷三族

夏五月使陸賈使南粵立尉佗為王還賈楚人使事見武帝平兩越南粵今

廣東省○使去聲佗音陀還音旋拜為太中大夫議論之官秩比千石賈時時前

說稱詩書帝罵曰乃公居馬上得之安事詩書賈曰馬上得之寧可以馬上治之乎且湯武逆取而順守之文武並用長久之術也乃粗述存亡之徵凡十二篇奏之帝稱善號曰新語

帝有疾臥禁中詔戶者無得入羣臣十餘日舞陽侯樊噲排闥直入大臣隨之見帝獨枕一宦者臥噲等泣曰陛下獨不見趙高之事乎帝笑而起

秋七月淮南王英布反帝自將擊之並詳諸將之叛○將去聲

丙午十二年十月帝破英布還過沛置酒沛宮悉召故人父

老諸母子弟佐酒道舊故為笑樂酒酣帝擊筑歌曰似筑

琴而小大風起兮雲飛揚威加海內兮歸故鄉安得猛

士兮守四方今沛縣有歌風臺於是起舞慷慨傷懷泣數行下

行音謂父老曰遊子悲故鄉吾雖都關中千秋萬歲後

我魂魄猶思沛其以沛為朕湯沐邑復其民世世無有

所與

湯沐以其賦稅供湯沐之具。不復與征徭也。○與去聲。

太尉周勃悉定代郡雁門雲中地。斬陳豨。

太尉秦官。漢與丞相比肩。

十一月。相國何以上林中多空地。棄。願令民得入田。帝怒。

曰。相國多受賈人財物。

賈音古。

為請吾苑。下廷尉械繫之。

數日。王衛尉進曰。有便於民而請之。真宰相事。且陛下

距楚數歲。相國守關中。關中搖足。則關以西非陛下有

也。相國不以此時為利。乃利賈人之金乎。帝赦出何。何

入謝。帝曰。相國為民請苑。吾不許。吾不過為桀紂主。而

相國為賢相。吾故繫相國。欲令百姓聞吾過。

相並去聲。

燕王綰謀反。春二月。遣樊噲將兵討之。

夏四月。帝崩。帝性明達。好謀能聽。

好去聲。

自監門戍卒見之。

如舊。初。順民心。作三章之約。天下既定。命蕭何次律令。

韓信申軍法。張蒼定章程。叔孫通制禮儀。又與功臣剖

符作誓。丹書鐵券。金匱石室。藏之宗廟。雖日不暇給。規

摹鴻遠矣。

通鑑本末紀要卷之六

終

漢高滅楚

四

通鑑本末綱要卷之六

--	--	--	--	--	--	--	--	--

書後卷全圖公至海之宗廟觀日不

其言中軍悉與秦軍戰於長平

時晉將魏襄以平三章之謀大平

其四八帝與帝封國後後後後後

三

